

經部

詳校官侍郎臣謝

通改可副使臣英略等覆勘 掮

校對官學正臣前樹常 總校官檢討臣何思釣 謄録監生 臣彭之材

とこうる とこう 有君臣有君臣然後有上下有上下然後禮義有所男女然後有夫婦有夫婦然後有父子有父子然後咸戶則有天地然後有萬物有萬物然後有男女有 周易下經 宋 程 子

鱼为四月百言 志為實以下交女心說而上應男感之先也男先以 如少者故二少為成也艮體篤實止為誠態之義男 咸之為卦允上艮下少女少男也男女相感之深莫 道男女交合而成夫婦故咸與恒皆二體合為夫婦 自有正也正之道固有説馬異而動剛柔皆應說也 之義咸感也以説為主恒常也以正為本而說之道 下經首成繼以恒也天地二物故二卦分為天地之 錯天地萬物之本夫婦人倫之始所以上經首乾坤 

CIDDE LINE 咸亨利貞取女吉 感莫如男女而少復甚馬几君臣上下以至萬物皆 剕 有相感之道物之相感則有亨通之理君臣能相感 咸感也不曰感者咸有皆義男女交相感也物之相 子夫婦親戚朋友皆情意相感則和順而亨通事 誠感則女説而應也 皆然故咸有亨之理也利貞相感之道利在於正也 君臣之道通上下能相感則上下之志通以至父 伊川易傳

柔上而剛下二氣感應以相與止而說男下女是以亨 利貞取女吉也 **养曰咸感也** 成之我感也在卦則柔文上而剛文下柔上變剛而 才言也卦有柔上剛下二氣感應相與止而說男下 税上下之以邪僻皆相感之不以正也取女吉以卦 女之義以此義取女則得正而吉也 不以正則入於惡矣如夫婦之以淫校君臣之以始

重河巴居 有電

とこり あしん 感而天地萬物之情可見矣 天地感而萬物化生聖人感人心而天下和平觀其所 正取女如是則吉也卦才如此大率感道利於正也 男下女和之至也相感之道如此是以能亨通而得 意民止於下篤誠相下也兌就於上和說相應也 感相應而和合是相與也止而說止於說為堅懲之 成兒剛下變柔而成艮陰陽相交為男女交感之意 又兒女在上民男居下亦柔上剛下也陰陽二氣相 伊川馬傅

象曰山下有澤咸君子以虚受人 感之也觀天地交感化生萬物之理與聖人感人心 致和平之道則天地萬物之情可見矣感通之理知 億兆之心而天下和平天下之心所 道者默而觀之可也 既言男女相感之義復推極感道以盡天地之理聖 人之用天地二氣交感而化生萬物聖人至誠以 性潤下土性受潤澤在山上而 其漸潤通徹是二 ンス 和 平由 聖

2.10 int 1.1: 初六成其拇 受之非聖人有感必通之道也 初六在下卦之下與四相感以微處初其感未深豈 无我也中无私主则无感不通以量而容之擇合而 以受於人夫人中虛則能受實則不能入矣虛中者 物之氣相感通也君子觀山澤通氣之象而虛其中 能 相感有沒深輕重之異識其時勢則所處不失其 動於人故如人拇之動未及以進也拇足大指 伊川易博

六二咸其腓凶居吉 象曰咸其拇志在外也 多分四四全量 宜矣 树之動未足以進也 初志之動感於四也故曰在外志雕動而感未深如 先動足乃舉之非如腓之自動也二若不守道待上 之求而如腓自動則躁妄自失所以凶也安其居而 以陰居下與五為應故設成腓之戒腓足肚行 卷三 刺

大三日草 と生 象曰雖 凶居吉順 東復明之云非戒之不得相感唯順理 質柔而上應故戒以先動求君則 不動以待上之求則得進退之道而吉也二中正之 道不先動也 不自動則吉也 二居中得正所應又中正其才本善以其在咸之時 人以其在咸而應五故為此戒復云居吉若安其分 不害也 伊川男牌 凶居以自守則吉 則 £ 不害調守

東日成其股亦不處也志在隨人所執下也 九三咸其股熱其隨往吞 而 是宜自得於正道以感於物而乃應於上六陽好 下足之上不能自由随身而動者也故以為象言九 三不能自主随物而 九三以陽居剛有剛陽之才而為主於內居下之上 説陰上居感説之極故三感而 刚陽之才感於所説而隨之如 動 如 股 然其所執守者隨於物 從之股者在身之 此而往可羞吝也

九王日事 公吉 九四貞吉悔亡憧憧往來朋從爾思 **象辭意有相續者此言亦者承上爻辭也上云咸其** 感者人之動也故皆就人身成象拇取在下而動之 前二陰交皆有感而動三雖陽交亦然故云亦不處 随人是所操執者甲下之甚也 拇志在外也雖凶居吉順不害也成其股亦不處也 云亦者盖象群本不與易相比自作一處故諸文之 也不處謂動也有剛陽之質而不能自主志反在於 伊川易傳 六

則 貞者虚中无我之謂也憧憧 ÓÍ 下之心如寒暑雨赐无不通无不應者亦自而已矣 有悔也又四說體居陰而應初 感之主而言感之道贞正則吉而悔亡感不以 言战其心感乃心也四在中而居上當心之位故為 財取先動股 所感无不通若往來憧憧然用其私心以感物則 不通有所私係則害於感通乃有悔也聖人感天 取其隨九四无所取直言感之道不 往來 故戒於貞感之道无 朋從爾思夫贞 正则

大元日華 在四 同歸而殊逢一致而百慮天下何思何慮夫子因咸 豈能原然无所不通乎繁辭曰天下何思何應天下 朋 思之所及者有能感而動所不及者不能感也是其 下之理一也達雖殊而其歸則同慮雖百而其致則 極論感通之道夫以思慮之私心感物所感挾矣天 貞其意則窮天下无不感通馬故曰天下何思何慮 雖物有萬殊事有萬變統之以一則无能違也故 類則從其思也以有係之私心既主於一隅一事 少川易得

相 馬感動也有感必有應凡有動皆為感感則 相 걈 寒來寒暑相 往 用 應復為感感復有應所以不已也尺蠖之屈以求 推 感而 信 則日來日月 其思慮之私心豈能无所不感也日 而歲成功用由是而成 則有屈所 利生馬此以往 推 謂感應也故日月 而歲成馬往者屈也來者信 柶 推 而明生馬寒往則暑來暑 來屈信明感應之理屈則 故曰屈信 椢 推而 往则 相感而利生 明生寒暑 月來 北 رط 屈 有應 往則 有 信 月

Ŀ

1: 71

卷三

次足の車 人馬 安身以崇德也過此以往未之或知也前云屈信之 乃屈信也利用安身以崇德也承上文致用而言 **孙** 則無信信而後有屈觀尺蠖則知感應之理矣龍蛇 理矣復取物以明之尺蠖之行先屈而後信蓋不屈 之藏所以存息其身而後能畬迅也不蟄則不能畬 信也龍蛇之蟄以存身也精義入神以致用也利用 所以致其用也潛心精微積也致用施也積與施 動息相處乃屈信也君子潛心精微之義入於 伊川易傳

象口真吉悔亡未感害也懂懂往來未光大也 或知更以此語終之云窮極至神之妙知化育之道 事正而身安聖人能事盡於此矣故云過此以往未 其施用安處其身所以崇大其德葉也所為合理 頁 德之至威也无加於此矣 之或知也窮神知化德之威也既云過此以往未之 矣惶懂往来以私心相感感之道狹矣故云未光大 則吉而悔亡未為私感所害也係私應則害於感 則

人名章

とこのしたいい ! 象曰成其梅志末也 九五咸其脢无悔 我使背其心而 咸 胸者為其存心淺末係二而說上 所見而說者則得人君感天下之正而无悔也 肉也與心相背而所不見也言能背其私心感非其 說上則偏私淺挟非人君之道豈能感天下乎將背 九居尊位當以至誠感天下而應二比上若係二而 伊川易傳

象口成其輔頰舌膝口說也 上六咸其輔頗舌 金月四月月日 感於私欲也 上陰柔而說體為說之主又居感之極是其欲感物 舌亦 用以言也 女子之常態也豈能動於人乎不直云口而云輔 極也故不能以至誠感物而發見於口舌之間 摘今人 謂口過曰唇吻曰煩舌也輔颊舌皆

1 震兵工 .J. Jo wel J.1 ... 道也論交感之情則少為親切論尊卑之序則長當 恒序卦夫婦之道不可以不久也故受之以恒但久 感於人乎 唯至誠為能感人乃以柔説勝揚於口舌言說豈能 之義恒長男在長女之上男尊女卑夫婦居室之常 以恒也咸少男在少女之下以男下女是男女交感 也咸夫婦之道夫婦終身不變者也故咸之後受之 伊川易傳

恒亨无咎利貞有攸住 所以能亨由貞正也故云利貞夫所謂恒謂可恒 恒於善可恒之道也小人恒於惡失可恒之道也恆 恒而不可以亨非可恒之道也為有各矣如君子之 恒者常久也恒之道可以亨通恒而能亨乃无咎 相與異而動剛柔相應皆恒之義也 謹正故允艮為咸而震吳為恒也男在女上男動于 女順于內人理之常故為恒也又剛上柔下雷風

動灰四母全書

· 17:51 **彖曰恒久也** 刚 上居於四坤之初下居於初剛爻上而柔爻下也二 卦才有此四者成恒之義也剛上而柔下謂乾之初 上而柔下雷風相與異而動剛柔皆應恒 故能恒也一定則不能常矣又常久之道何往不利 恒者長久之義 之道非守一隅而不知變也故利於有在唯具有往 '易處則成震吳震上異下亦剛上而柔下也剛處 戶川易字

恒亨无各利貞久於其道也 恒之道也卦所以為恒也 已異而動常久之道也動而不順豈能常也剛柔皆應 恒之道可致亨而无過各但所恒宜得其正失正則 上震動為以異而動天地造化恒久不已者順動而 上而柔居下乃恒道也雷風相與雷震則風發二者 **卦剛柔之爻皆相應剛柔相應理之常也此四者** 須交助其勢故云相與乃其常也異而動下具順

**多穴四母全書** 

としのはんだって 天地之道恒久而不已也 利有攸往然則有始也 道则合天地之理也 以恒而不窮凡天地所生之物雖山嶽之堅厚永有 不恒其德與恒於不正皆不能亨而有咎也 非 天下之理未有不動而能恒者也動則終而復始所 地之所以不已蓋有但久之道人能恒於可恒之 可恒之道也故曰久於其道其道可恒之正道也 伊川易修

道而天下化成觀其所恒而天地萬物之情可見矣 日月得天而能久照四時變化而能久成聖人久於其 金万日人人 來盈縮故能久照而不已得天順天理也四時陰陽 **惺人之泥於常也** 能不變者也故恒非一定之謂也一定則不能恒矣 唯隨時變易乃常道也故云利有攸往明理之如是 之氣耳往來變化生成萬物亦以得天故常久不已 極言常理日月陰陽之精氣耳唯其順天之道往

象曰雷風恒君子以立不易方 中常久之道不變易其方所也 君子觀雷風相與成恒之象以常久其德自立於大 道所以能常久之理觀此則天也萬物之情理可見 矣天地常久之道天下常久之理非知道者孰能識 也觀其所恒謂親日月之久既四時之久成聖人之 聖八以常久之道行之有常而天下化之以成美俗 伊川易傳 土

初六浚恒貞凶无攸利 度勢求望於上之深堅固守此凶之道也况常如此 者也志既上水之深是不能恒安其處者也柔微而 无所往而利矣世之賣望故素而致悔咎者皆後恒 **隅應初之志異乎常矣而初乃求望之深是知常而** 不知變也沒深之也沒恒謂求恒之深也守常而不 四震體而陽性以剛居髙志上而不下又為二三所 初居下西四為正應柔暗之人能守常而不能度勢

多月四月全書

象曰浚恒之凶始求深也 J. Jo ... 1112 九二悔亡 盛之地也在下而求深亦不知時矣 理也處非其常本當有悔而九二以中德而應於五 甚也所以凶陰暗不得恒之宜也 在恒之義居得其正則常道也九陽交居陰位非常 居恒之始而求望於上之深是知常而不知度勢之 不恒安其處亦致凶之道凡卦之初終淺與深微與 尹川易傳

動穴四周全電 聚口九二悔亡能久中也 豈止亡其悔德之善也 勝也足以亡其悔矣人能識重輕之勢則可以言易 正矣正不必中也九二以剛中之德而應於中德之 所以得悔亡者由其能恒久於中也人能恒久於中 久於中也能恒久於中則不失正矣中重於正中則 五復居中以中而應中其處與動皆得中也是能恒

象曰不恒其德无所容也 九三不恒其德或承之羞貞吝 六不唯陰陽相應風復從雷於恒處而不處不恒 三陽 至也貞各固守不恒以為恒豈不可羞吝乎 豈能恒哉是不恒之人无所容處其身也 既无恒何所容處當處之地既 也其德不恒則羞辱或承之矣或承之謂有時 文居陽位處得其位是其常處也乃志從於上 1. 1.1. 尹川易東 不能恒處非其據 ቷ 而 之

六五恒其德貞婦人吉夫子凶 象曰久非 九四田元禽 戾 為喻言九之居四雖使恒久如田獵而无禽獸之獲 得其道則久而成功不得其道則 以陽居陰處非 非其位雖久何所得乎 徒用力而无功 四年全書 其位安得禽也 其位處 2 卷1 非 其所雖 以田為喻故云安得禽也 常 雖久何益故以田 何益人之所為

た日日 Elas 象曰婦人貞吉從一而終也夫子制義從婦凶也 **豈可以柔順為恒也** 卦六居君位而應刚未為失也在恒故不可耳君道 言者如六五之義在大夫猶凶况人君之道乎在完 為恒則失其剛陽之正乃凶也五君位而不以君道 五應於二以陰柔而應陽剛居中而所應又中陰孫 之正也故恒久其德則為貞也夫以順從為恒者婦 人之道在婦人則為貞故吉若丈夫而以順從於人 伊川易博

上六振 恒凶 金岁口屋 月重 義也故為根恒以根為恒也根者動之速也如根衣 陰居上非其安處又陰柔不能堅固其守皆不常之 順為德當終守於從一夫子則以義制者也從婦 六居恒之極在震之終恒極則不常震終則動極以 之道則為凶也 如五之從二在婦人則為正而吉婦人以從為正以 振書抖椒運動之意在上而其動无節以此為恒

シンロラ シュー 象曰根恒在上大无功也 三 乾艮上下 成立故曰大无功也 所成乎居上而不恒其凶甚矣象又言其不能有所 居上之道必有但德乃能有功若躁動不常豈能有 遯者退也夫久則有去相 越序卦恒者久也物不可以久居其所故受之以避 其凶宜矣 F 川易傳 須之理也逃所以繼 烜

多分四月全書 遯亨小利貞 相 兩 陵之象而止不進天乃上進而去之下陵而上去是 避者陰長陽消君子遯載之時也君子退載以伸其 物陽性上進山高起之物形雖高起體乃止物有上 避退也避也去之之謂也為卦天下有山天在上之 道道不屈則為亨故遯所以有亨也在事亦有由逐 退小人漸盛君予退而避之故為遯也 違遜故為遯去之義二陰生於下陰長粉盛陽消 卷三

久て四車なら **彖曰逃亨逃而亨也** 然事有不齊與時消息无必同也陰柔方長而未至 避而亨者雖小人道長之時君子知幾退避固善也 於甚盛君子尚有遅遅致力之道不可大貞而尚利 小真也 論時與卦才尚有可為之理也 所以伸道也此言處遯之道自剛當位而應以下則 小人道長之時君子遯退乃其道之亨也君子遯滅 伊川易傳

避之時義大矣哉 刚當位而應與時行也 b 利貞浸而長也 自盡以扶持其道未必於逐藏而不為故曰與時行 如卦之才尚當隨時消息苟可以致其力无不至誠 處中正之位又下與六二以中正相應雖陰長之時 雖逃之時君子處之未有必逃之義五以剛陽之德 C Ŀ 欠足り事人と言 漢晉是也若有可愛之道可亨之理更不假言也此 聖賢之於天下雖知道之将廢豈肯坐視其亂而不 持使未遂亡也避者除之始長君子知微故當深戒 當陰長之時不可大貞而尚小利貞者盖陰長必以 其髮安苟得為之孔孟之所屑為也王允謝安之於 找必區區致力於未極之間強此之衰艱彼之進圖 而聖人之意未便處已也故有與時行小利貞之教 浸漸未能遽盛君子尚可小貞其道所謂小利貞扶 19 伊川易傳 十九

象曰天下有山逐君子以速小人不惡而嚴 初六逃尾属切用有攸往 象也君子觀其象以避遠乎小人遠小人之道若以 悉聲厲色適足以致其怨忿唯在乎矜莊威嚴使知 敬畏则自然速矣 處避時之道也故聖人赞其時義大矣哉或久或速 天下有山山下起而乃止天上進而相違是遜避之 其義皆大也

欠とり事人は 象曰遜尾之属不往何災也 隱 晦藏往既有危不若不往之无災也 不若不往而晦藏可免於炎處做故也古人處做下 以柔處微既已後美不可往也往則危矣微者易於 尾尾在後之物也避而在後不及者也是以危也初 見幾先遯固為善也遯而為尾危之道也往既有危 亂世而不去者多矣 卦以下為初避者往避也在前者先進故初乃為 伊川易傳 Ŧ

象曰執用黄牛固志也 六二執之黄牛之草莫之勝說 牛羊也莫之勝說謂其交之固不可勝言也在遊之 堅固之物二五以中正順道相與其固如執係之以 五五以中正親合於二其交自固黄中色牛順物草 上下以中順之道相固結其心志甚堅如執之以牛革也 與五為正應雖在相違逃之時二以中正順應於 故極言之 人名言

九三係逐有疾属畜臣安吉 愛之則忠其上係戀之私恩懷小人女子之道也故 洏 陽志說陰三與二切比係乎二者也逐貴速而速有 不如是也三與二非正應以暖比 以畜養臣安則得其心為吉也然君子之待小人亦 道岩以正則 不速是以危也臣多小人女子懷恩而不知義親 係累則安能速且速也害於避矣故為有疾也避 雖係不得為有疾蜀先主之不忍棄士 相 親 非待君子之

とこり見という

伊川易傳

主

九 象曰係逐之属有疾憊也畜臣妾吉不可大事也 動为四月分言 四好逃君子吉小人否 事乎 **苟當趣則去而不疑所謂克已復禮以道制欲是以** 四與初為正應是所好爱者也君子雖有所好爱義 不足矣以此暱爱之心畜養臣妄則吉豈可以當大 避而有係累光以困憊致危其有疾乃憊也蓋力亦 民是也雖危為无谷矣

Rendered War 九五嘉遯貞吉 象曰君子好遯小人否也 乾體能剛斷者聖人以其處陰而有係故設小人之 意而至於不善也 君子雖有好而能逐不失於義小人則不能勝其私 戒恐其失於正也 陷辱其身而不能已故在小人則否也否不善也四 吉也小人則不能以義處暱於所好牽於所私至於 伊川易傳 堇

象曰嘉遯貞吉以正志也 金岁□尼 刍言 時行小利貞尚有濟逐之意於交至五逐將極矣故 唯以中正處遯言之遯非人君之事故不主君位言 然人君之所避遠乃遯也亦在中正而已 无私係之失所以為嘉也在象則縣言遯時故云與 乃所謂嘉美也故為貞正而吉九五非无條應然與 二皆以中正自處是其心志及乎動止莫非中正而 九五中正遯之嘉美者也處得中正之道時止時行

E POINT SALL 上九肥遜无不利 善處則為肥矣其遯如此何所不 之遠而九累可謂寬綽有餘裕也逐者窮困之時也 肥者充大寬裕之意逐者唯飘然遠近无所係滯之 為善上九乾體剛斷在卦之外矣又下无所係是遯 其志而已矣 中正是其志正也所以為吉人之遜也止也唯在正 志正則動必由正所以為避之嘉也居中得正而應 伊川易傳 利 主

象曰肥遜无不利无所疑也 金牙四月 其逃之遠无所疑滯也蓋在外則已遠无應則无累 壯 題為建去之義 壮為進盛之義 題者除長而陽逃 故為刚决无疑也 震乾 肚序卦逐者退也物不可以終逐故受之以大肚 壯 大肚所以次逐也為卦震上乾下乾剛而震動以 陽之壯盛也衰則 上下 生 卷三 **化盛消息相須故既遯則** 氺

Stand out of the stand 大肚利貞 **彖曰大壮大者壯也剛以動故壯** 刚 威是大者壮也下刚而上動以乾之至刚而動故 肚盛也又雷之威震而在天上亦大壯之義也 耳 壮之道利於貞正也大壮而不得其正強猛之為 以名大壯者謂大者壯也陰為小陽為大陽長以 非君子之道肚盛也 而動大壯之義也剛陽大也陽長已過中矣大 伊川易傳 子四

象曰雷在天上大肚君子以非禮弗履 大肚利貞大者正也正大而天地之情可見矣 多グロスと 至正也正大之理學者點識心通可也不云大正而 則天地之情可見矣天地之道常久而不已者至人 雷震於天上大而出也君子觀大壮之象以行其此 **公正大咫疑為一事也** 者既此則利於貞正正而大者道也極正大之理 肚為大者肚與肚之大也

初 Wall of the Wall 中庸於和而不流中立而不倚皆曰強哉矯赴湯久 九肚于趾征凶有乎 之大肚不可能也故云君子以非禮弗履 蹈白刃武夫之勇可能也至於克已復禮則非君 君子之大肚者莫若克已復禮古人云自勝之謂強 趾 也趾在下而進動之物九在下用肚而 陽 則處此雖居上循不可行況在下乎故征 剛乾體而處下壯于進者也在下而用肚肚 尹 川易博 1 不得 其

九二貞吉 象曰肚于趾其乎窮也 每片四月 全書 得中道无不正也在四則有不正之戒人能識時義 戒乎曰易取所勝為義以陽剛健體當大壯之時處 中不過於壯得貞正而吉也或曰貞非以九居二為 在最下而用肚以行可必信其窮用而凶也 凶有子子信也謂以壯往則得凶可必也 雖以陽剛當大壮之時然居柔而處中是剛柔得

象曰九二貞吉以中也 We will be the left 九三小人用肚君子用罔貞属羝羊觸潘贏其角 剛 尚力故用其肚勇君子志剛故用問罔无也猶云茂 **而乾體乎** 以真正而吉者以其得中道也中則不失正況陽 輕重則可以學易矣 肚如此在小人則為用壯 以剛居陽而處此又當乾體之然此之極者也 伊川易傅 在君子則為用罔 荚

如此心羸困其角矣猶人尚剛壯所當必用必至推 者趨角者觸蹄者跟羊肚於首點為喜觸故取為象 多傷莫與頁固守此則危道也凡物莫不用其肚齒 屈施於天下而 无不宜 尚剛之大過則无和順之德 因也三肚甚如此而不至凶何也曰如三之為其往 羊喜觸藩籬以藩籬當其前也蓋所當必觸喜用壯 地言如君子有勇而无義為亂剛柔得中則不折不 也以其至剛蔑視於事而無所忌憚也君子小人以

動分

象口小人用壯君子罔也 大王日東A日 河 れ 而未至者則曰為也 四貞吉悔亡潘決不贏肚于大與之報 剛強蔑視於事靡所顧揮也 君子道長之時豈可有不正也故戒以貞則吉而悔 在小人則為用其強壯之力在君子則為用罔志氣 四陽剛長盛壯已過中壯之甚也然居四為不正方 以致凶而方言其危故未及於凶也凡可以致凶 伊川易傳 Ī

金牙口尼白量 象曰潘决不羸尚往也 要處也車之敗當在折颠賴壯則車強矣云壯于賴 輹 以限隅也藩離决阴不復赢困其肚也高大之車輪 在他卦重剛而居柔未必不為善也大過是也澹所 亡盖方道長之時小失則害亨進之勢是有悔也若 剛陽之長必至於極四雖已盛然其往未止也以至 強出其行之利可知故云肚于 大興之賴賴輪 肚于進也賴與輻同

ろこうら ノニー 瀬 六五丧羊于易无悔 以柔居上若以力制則難勝而有悔唯和易以待之 羊犀行而喜觸以象諸陽並進四陽方長而並進五 力也尚往其進不已也 則羣陽无所用其剛是丧其壯于和易也如此則可 道使羣陽雖壯无所用也 以无悔五以位言則正以德言則中故能用和易之 盛之陽用壮而進故莫有當之藩決開而不贏因其 伊川易傳 Ź

多穴四母全書 上六羝羊觸藩不能退不能遂无攸利叛則吉 象曰丧羊于易位不當也 正得尊位則下无壯矣以六五位不當也故該喪羊 不相侔也苟君之權及以制乎下則雖有強壮政扈 于易之義然大率治肚不可用剛夫君臣上下之勢 之人不及謂之壯也必人君之勢有所不及然後謂 以光用柔和者以陰柔居尊位故也若以陽剛中 治壯故治壯之道不可以剛也 卷1

とこしま ショ 其壯 利 是不能退也除柔之人雖 當 利 奶 羊但取 角進退皆不可也才本陰柔故不能勝己 知 壯有推光縮是 也除柔處此不能固其守若遇親因 肚極其過可知如羝羊之觸藩離進則城身退則 親而處柔則吉也居此之然有變之義也 則反得柔弱之分矣是艱則得吉也用 其用此故陰文亦稱之六以陰處震然而 不能遂也其所為如此无所往而 伊 川易傅 極 用 壯 之心然必不能 **北失其壯失** Ī 肚則 以就義 不

動穴四库全書 象曰不能退不能遂不詳也親則吉咎不長也 壯 晉序卦物不可以終此故党之以晉晉者進也物无 各不長乃吉也 則吉柔遇艱難又居此終自當變矣變則得其分過 非其處而處故進退不能是其自處之不詳慎也點 三雅坤 離在坤上明出地上也 而然止之理既盛壯則必進晉所以繼大壯也為 上下 卷1三 Ð 出於地升而益明故為

次是四章 在 晉康使用錫馬蕃無畫日三接 晉進也卦有有德者有无德者 隨其宜也乾坤之外 晉晉進而光明盛大之意也凡物漸盛為進故於云 晉為進盛之時大明在上而下體順附諸侯承王之 用有也晉之明盛故更不言亨順乎大明无用戒正 有不同者羊漸是也隨卦可見晉之盛而无德者无 云元亨者固有也云利貞者所不足而可以有功也 伊川易傳 Ť

明出地上順而麗乎大明柔進而上行是以康使用錫 家曰晉進也 禮 言 象也故為康侯康侯者治安之侯也上之大明而能 同 則 **畫日之中至於三接言罷遇之至也晉進盛之時** 明下順君臣相得在上而言則進於明盛在臣而 車馬重賜也養無衆多也 德以順附治安之候也故受其罷數錫之馬來多 進升髙顯受其光龍也 人は一世 不唯錫與之厚又見親

とこりは 馬番無畫日三接 居君位明而順魔為能待下電遇親密之義是以為 居君位多云柔進而上行噬嗑睽鼎是也六五以柔 晉進也明進而盛也明出於地益進而盛故為晉所 上附於大明之君也柔進而上行凡卦離在上者柔 離 使用錫馬眷無畫日三接也大明之君安天下者 不謂之進者進為前進不能包明盛之義明出地 在坤上也坤麗於離以順 21 day D\_ 伊川易傳 麗於大明順 Ī 德之 臣

象曰明出地上晉君子以自昭明德 多穴四母全律 於 於 上而益明威之象而以自 捷於已也明明德於 天下昭明德於外也明明德在 明之也傳曰昭德塞達昭其度也君子觀 下者也在下而順附於大明之君諸侯之象也 天子也不曰公卿而曰侯天子治於上者也諸侯治 諸侯能順附天子之明德是康民安國之候也故 之康侯是以享罷錫而見親禮畫日之問三接 昭其明德去敬致 知昭明 明出地 见

7.10. 1.1. B 初六晋如推如貞吉問字裕无咎 初居晋之下進之始也晉如升進也推如柳退也於 安中自守雍容寬裕无急於求上之信也尚欲信之 在下而始進豈遽能深見信於上苟上未見信別當 始進而言遂其進不遂其進唯得正則吉也問乎者 故裕則无各君子處進退之道也 切非沒沒以失其守則悻悻以傷於義矣皆有各 故云自昭 尹川易事 Í

六二骨如愁如贞吉受兹介福于其王母 象日晉如推如獨行正也裕无咎未受命也 多方四月全書 嘗不裕也里人恐後之人不達寬裕之義居位者奏 職失守以為裕故特云初六裕則无各者始進未受 未當位故也君子之於進退或建或速唯義所當未 无進无抑唯獨行正道也寬裕則无咎者始欲進而 不可居也然事非一縣久速唯時亦容有為之兆者 命當職任故也若有官守不信於上而失其職一 Đ

尊者指六五也二以中正之 當得古故云晉 盖六五大 能自進然其中正之德久而 セ 六二在下上无應援以中正柔和之德非強於進 口受兹介 故於進為可 於王母也介大也 明之君與之同德必當求之加之電禄受 以中 如愁 憂愁謂其進之難也然守其貞正則 竓 尹川野 如貞吉王母祖母 道自守雖 **北彰上之人自當求之** 上无應援 也 . 謂 隂 之 至

六三衆允悔亡 從之何所不利或曰不由中正而與衆同得為善乎 **衆所允從其悔所以亡也有順上向明之志而衆** 亨况大明在上而同德必受大福也 受兹介福以中正之道也人能守中正之道久而必 曰衆所允者必至當也況順上之大明豈有不善也 以六居三不得中正宜有悔咎而三在順體之上順 極者也三陰皆順上者也是三之順上與眾同志

**銀灾匹庫全書** 

九四音如鼫鼠貞属 **泉曰衆允之志上行也** 贪處高位既非所安而又與上同德順魔於上三陰 合天心 以 t) 上行上順魔於大明也上從大明之君衆志之所同 是以悔亡盖亡其不中正之失矣古人曰謀從衆則 ) 九居四非其位也非其位而居之貪據其位者也 尹リリの東 吉

**郵欠匹库全書** 六五悔亡失得勿恤 泉曰鼫鼠貞属位不當也 而 賢者以正德宜在髙位不正而處髙位則為非據 守此其危可知言貞属者開有改之道也 鼠也故云晋如鼫鼠食於非據而存畏忌之心貞固 六以柔居尊位本當有悔以大明而下皆順附故 皆在己下勢必上進故其心畏忌之貪而畏人者範 懼失則畏人固處其地危可知也 往吉无不利 貪

象曰失得勿恤住有慶也 通天下之志勿復自任其明恤其失得如此而往則 烅 悔得亡也下既同德順附當推誠委任盡衆人之才 以大明之德得下之附推誠委任則可以成天下之大 用私察也 其用明之過至於察察失委任之道故戒以失得勿 吉而无不利也六五大明之主不患其不能明照患 也夫私意偏任不察則有嚴盡天下之公豈當復 りりな 三十五

**郵定四庫全書** 上九晉其角維用伐邑属吉无咎貞吝 角刚而居上之物上九以剛居卦之極故取角為象 九 以陽居上剛之極也在晉之上進之極也剛 邑謂內自治也人之自治剛極則守道愈固進極則 之甚也无所用而可維獨用於伐邑則雖属而吉且 功是住而有福慶也 咎也代四方者治外也代其居邑者治内也言代 猛之過進極則有躁急之失以剛而極於進失中 Ţ 極則有

象曰維用代邑道未光也 各以盡其義極於剛進雖自治有功然非中和之德 安有過也今以過剛自治雖有功矣然其道未光大 无谷也嚴厲非安和之道而於自治則有功也復云貞 遷善愈速如上九者以之自治則雖傷於厲而吉且 也以正理言之猶可吝也夫道既光大則无不中正 維用伐色既得吉而无咎復云貞吝者负道未光大 故於貞正之道為可吝也不失中正為貞 戸リョカラ 三十八

一种工作 銀定四厚全書 故 之時也明夷昏暗之 次晉也為卦 者傷也大進之不已必有所傷理自然也 明夷序卦晉者進也進必有所傷故受之以明夷夷 裁與晉正相反晉者明盛之卦明君在上羣賢並進 入於地中明傷而昏暗 亦可各聖人言盡善之道 坤上離下明入地中也反晉成明夷故 卦暗君在上明者見傷之時也 也故為 明 夷 明夷所以

明夷利製貞 内文明而外柔順以蒙大難文王以之 **彖曰明入地中明夷** 能 君子當明夷之時利在知艱難而不失其負正也在 明入於地其明滅也故為明夷內卦 昏暗艱難之時而能不失其正所以為明君子 ) 柔順也昔者文王如是故曰丈王以之當紂之昏 卦坤坤者柔順之象為人內有丈明之德而外 **)**. /. Q 尹川易勇 離離者文明之

利粮貞晦其明也內難而能正其志其子以之 當紂之時身處其國內切近其難故云內難然其子 能藏晦其明而自守其正志箕子所用之道也故曰 明 明夷之時利於處艱戹而不失其負正謂能晦滅其 文王所用之道也故曰文王以之 紂蒙犯大難而內不失其明聖而外足以達禍患此 乃明夷之時而文王內有文明之德外柔順以事 也不晦其明則 被 禍患不守其正則非賢明其子

銀次四库全書

九三日華 A 目 象曰明入地中明夷君子以莅隶用晦而明 而不安失位聚之道適所以為不明也古之聖人 察 明 親而安是用晦乃所以為明也若自任其明无所 於後東也不極其明察而用晦然後能容物和東東 箕子以之 則已不勝其念疾而无寬厚含容之德人情暖疑 則盡事而无含弘之度故君子觀明入地中之象 所以照君子无所不照然用明之遇則傷於察太 伊川易傳

初 金グロ 有言 害其所以行者君子于行三日不食君子明照見事 前 者也故取飛象昏暗在上傷陽之明使不得上進是 九明夷于飛垂其異君子于行三日不食有攸往主 初 微雖始有見傷之端未顯也君子則能見之矣故 飛而傷其異也異見傷故垂大凡小人之害君子 旅屏樹者不欲明之盡乎隱也 九明體而居明夷之初見傷之始也九陽明上升 ノニー

能 所往適則主人有言也然君子不以世俗之見怪而 夷之始其見傷未顯而去之則世俗熟不疑怪故有 至於垂翼傷巴明矣何得衆人猶未識也曰初傷 此 行去避之君子于行謂去其禄位而退藏也三日不 遲疑其行也若俟衆人盡識則傷已及而不能去矣 食言困窮之極也事未顯而處甚艱非見幾之明不 薛方所以為明而楊雄所以不獲其去也或曰傷 也夫知幾者君子之獨見非衆人所能職也 校明

九足四軍公誓 明

伊川易傳

金少日人 而 型 曰 瘳 其責小禮而 言也又如表閱於黨事未起之前名德之士方鋒起 子見幾故亞去之世俗之人未能見故異而非之如 始也云垂其翼謂傷其所以飛爾其事則未顯也君 擉 人有言胡足怪也 不去是人将鉗我於市雖二儒者亦以為過甚之 生之去楚申公白公且非之况世俗之入乎但識 **潛身土室故人以為狂生卒免黨錮之禍所往** 1: 1: 不知穆 生之去避胥靡之禍也當其言

六二明夷夷于左股用 象曰君子于行義不食也 名下日日日 Antin 197 終能達避之爾及者所以行也股在股及之上於行 君子遯藏而困窮義當然也唯義之當然故安處而 无問雖不食可也 善也雖君子自處之善然當陰閣小人傷明之時亦 六二以至明之才得中正而體順順時自處處之至 不免為其所傷但君子自處有道故不能深相傷害 伊川易傳 极馬壯吉

金父正居石量 泉日六二之吉 而 唯 狼免之速而吉也君子為陰陽所傷其自處有道 其傷不甚自拯有道故發免之疾用極之道不 被傷深矣故云馬壯 **瞅張用左盖右立為本也夷于左股謂傷害其行** 用為不甚切左又非使用者手足之用以右為便 吉者得免傷害而已非 不甚切也雖然亦心自免有道極用此健之馬則 順以則 則吉也二以明居陰閣之下所 رج 謂 可以有為於斯時也 壯 則 故

九三明夷于南将得其大首不可疾貞 事乎南在前而明方也好畋而去害之事也南符謂 道 前進而除害也當克獲其大首大首謂暗之魁首上 六二之得吉者以其順處而有法則也則 九三離之上明之極也又處剛而進上六坤之上暗 ) 地 能順而得中正所以處明傷之時而能保其言也 極也至明居下而為下之上至暗在上而處窮極 正 1. ... 相敵應將以明去暗者也斯義也其湯武之 謂 中正

銀穴四母全書 象曰南将之志乃大得也 是 可急也上六雖 于酒切庸殺之姑惟教之至於既久尚曰餘風未珍 則 謂誅其元惡舊深污俗未能處毕必有其漸单之遽 六也三與上正相應為至明克至暗之象不可疾貞 主謂之大首 漸潰之俗不可以處毕也故曰不可疾貞正之不 駭懼而不安故酒語云惟股之連諸臣惟工乃面 非 君位以其居上而暗之極故為暗

欠足日華 AMI TO 六四入于左腹獲明夷之心于出門庭 事君未有由顯明以道合者也必以隱僻之道自結 傷明之庄也四以柔邪順從之以固其交夫小人 湯武豈有意於利天下乎得其大首是能去害而大 六四以陰居陰而在陰柔之體處近君之位是陰邪 得其志矣志尚不然乃悖亂之事也 夫以下之明除上之暗其志在去害而已如商周之 居高位以柔邪順於君者也六五明夷之君位 伊川易傳 四十二

象曰入子左腹獲心意也 腹 隐僻之所也四由隱僻之道深入其君故云入于左 光先盘其心而後能行於外 所人之手足皆以右為用世謂僻所為僻左是左者 於上右當用故為明顯之所左不當用故為隱僻之 門庭既信之心而後行之於外也邪臣之事暗君 信於其君皆由奪其心也不奪其心能无悟乎于 入腹謂其交深也其交之深故得其心凡姦犯之

2.10 ml 1.11 W 六五箕子之明夷利貞 其心所以終不悟也 切近傷明之主若顧其明則 見傷害必矣故當如箕 五為君位乃常也然易之取義變動隨時上六處坤 以君位言上六隂暗傷明之極故以為明夷之主五 又上而明夷之極陰暗傷明之極者也五切近之聖 因以五為切近至暗之人以見處之之義故不專 于左腹謂以邪僻之道入于君而得其心意也得 伊川易牌 Ŧ

象曰箕子之貞 明不可息也 金方四月全書 贞 亦 謂貞矣以五陰柔故為之戒云利貞謂宜如箕子之 謂內難而能正其志所以謂之仁與明也若其子可 故佯狂為奴以免於害雖晦藏其明而內守其正所 子之自晦藏則可以免於難集子商之舊臣而同姓 外晦其明而內正其志也 **围也若以君道言義亦如是人君有當含晦之時** 親可謂切近於紂矣若不自晦其明被禍可必也

To . . ) CT HOLE DI LINE TO 上六不明晦初登于天後入于地 息也若逼禍患遂失其所守則是亡其明乃滅息也 箕子晦藏不失其貞固雖遭患難其明自存不可減 各暗後入于地也上明夷之終又坤陰之終明傷之 古之人如揚雄者是也 上居卦之終為明夷之主又為明夷之極上至髙之 也本居于髙明當及達初登于天也乃夷傷其明而 地明在至髙本當遠照明既夷傷故不明而反昏晦 伊川易傳 H

金万巴尼白電 象曰初盛于天照四國也後入于地失則也 極者也 暗是後入于地失明之道也失則失其道也 家人者家内之道父子之親夫婦之義尊早長幼之 家人夫傷困于外則必反於内家人所以次明夷也 三 兵離 上下 初登于天居髙而明則當照及四方也乃被傷而昏 家人序卦夷者傷也傷於外者必反於家故受之以

家人之道明於内而異於外處家之道也夫人有諸 治治天下之道盖治家之道也推而行之於外耳故 身者則能施於家行於家者則能施於國至於天下 火出火熾則風生風生自火自內而出也自內而出 由家而及於外之聚二與五正男女之位於內外為 序正倫理篤恩義家人之道也卦外異内離為風自 取自内而出之象為家人之義也文中子書以明內 11 2 2 ... 外為義古今善之非取象之意也所謂齊乎異言 此川田野

飲欠四年全書 **象曰家人女正位乎内男正位乎外男女正天地之大** 家人利女貞 家人之道利在女正女正則家道正矣夫夫婦婦而 戰義也 家道正獨云利女貞者夫正者身正也女正者家正 萬物潔齊於異方非異有齊義也如戰乎最敢非有 也女正則男正可知矣 je s

父父子子兄兄弟弟夫夫婦婦而家道正正家而天下定矣 家人有嚴君馬父母之謂也 **象以卦才而言陽居五在外也陰居二處內也男女各** 家人之道必有所尊嚴而君長者謂父母也雖一家 父子兄弟夫婦各得其道則家道正矣推一家之道 後家道正家者國之則也 之小无尊嚴則孝敬衰无君長則法度廢有嚴君而 得其正位也尊卑内外之道正合天地陰陽之大義也 尹川易魚 121

私定四月全書 初九開有家悔亡 象曰風自火出家人君子以言有物而行有恒 可以及天下故家正則天下定矣 初家道之始也開謂防開法度也治其有家之始能 所行必有恆也物謂事實恆謂常度法則德葉之著 子觀風自火出之象知事之由內而出故所言必有物 於外由言行之謹於內也言慎 行修則身正而家治矣 正家之本在正其身正身之道一言一動不可易也君

泉曰開有家志未變也 こうしき とろう 開之於始家人志意未變動之前也正志未流散變 開具家者也不云无悔者厚居必有悔以能開故亡耳 法度開之於始則无是矣故悔亡也九剛明之才能 幼之序亂男女之别傷思義害倫理无所不至能以 也苟不開之以法度則人情流放必至於有悔失長 以法度為之防開則不至於悔矣治家者治平衆人 而開之則不傷思不失義處家之善也是以悔了 伊川易車 ロイヒ

金片四月金書 六二无攸遂在中饋貞吉 義惟剛立之人則能不以私愛失其正理故家人卦 志變而後治則所傷多矣乃有悔也 英雄之才尚有獨情愛而不能自守者况桑弱之人 其能勝妻子之情乎如二之才若爲婦人之道則其 桑不能治於家者也故无攸遂无所為而可也夫以 大要以剛爲善初三上是也六二以陰桑之才而居 人之處家在骨內父子之間大率以情勝理以恩奪 赵三

次定四軍公等 象曰六二之吉順以異也 九三家人鳴鳴悔属吉婦子嘻嘻終春 鳴鳴未詳字義然以文義及音意觀之與敷敬相類 貞吉也 又若急束之意九三在内卦之上主治乎內者也以 正而吉也婦人居中而主饋者也故云中饋 止也以柔順處中正婦人之道也故在中饋則得其 以陰柔居中正能順從而早異者也故爲婦

伊川易傳

寬猛之中然而家道齊肅人心祗畏猶爲家之吉也 陽居剛而不中雖得正而過乎剛者也治內過 悔於嚴厲骨內思勝嚴過故悔也雖悔於嚴厲未得 傷於嚴急故家人鳴鳴然治家過嚴不能无傷故必 之過雖於人情不能无傷然苟法度立倫理正乃思 樂无節也自恣无節則終致敗家可羞吝也盖嚴謹 岩婦子嘻嘻則終至羞吝矣在卦非有嘻嘻之象蓋 對鳴鳴而言謂與其失於放肆寧過於嚴也嘻嘻笑 剛 貝

合うでたる言

大の日本 六四富貴大吉 家口家人鳴鳴未失也婦子嘻嘻失家節也 法失家之節家必亂矣 義之所存也若嘻嘻 无度乃法度之所由 廢倫理之 雖鳴鳴於治家之道未為甚失光婦子嘻嘻是无禮 所由亂安能保其家乎嘻嘻之甚則致敗家之凶但 六以拜順之體而居四得其正位居得其正爲安處 云吝者可吝之甚則至於凶故未遽言凶也 伊川易博 叫九

象曰富家大吉順在位也 金片四周全書 九五王假有家勿恤吉 孰大馬 家而言髙位家之尊也能有其富是能保其家也吉 以異順而居正位正而異順能保有其富者也富家 道能保有其富則為大吉也四髙位而獨云富者於 之大吉也 之義兵順於事而由正道能保有其富者也居家之 卷三

Va. 1 --- 1.1 -象曰王假有家交相爱也 至矣 齊家家正則天下治矣自古聖王未有不以恭巳正 家爲本故有家之道既至則不憂勞而天下治矣勿 恤而吉也五恭已於外二正家於內內外同德可謂 於內治家之至正至善者也王假有家五君位故以 王言假至也極乎有家之道也夫王者之道修身以 九五男而在外剛而處陽居尊而中正又其應順正 尹川易庸 Ā T

上九有字威如終古 非至誠不能也故必中有孚信則能常久而衆人自 家之道也 者文王之如乎若身修法立而家未化未得爲假有 化爲善不由至誠已且不能常守也况欲使人予故 化就合夫愛其內助婦愛其刑家交相愛也能如是 王假有家之道者非止能使之順從而已必致其心 一卦之終家道之成也故極言治家之本治家之道

金万四月全

象曰威如之吉及身之謂也 つくろうすい シュー 當有威嚴而夫子又復戒云當先嚴其身也威嚴不 治家之道以正身馬本故云反身之謂爻辭謂治家 必有威嚴則能終吉保家之終在有爭威如二者而 治家以有爭爲本治家者在妻孥情愛之問慈過則 生也長失尊嚴少忘恭順而家不亂者未之有也故 已故於卦終言之 无嚴恩勝則掩義故家之患常在禮法不足而瀆漫 尹川易東

離り上 節云四周全意 則睽乖離散理必然也故家人之後受之以際也爲 也又中少二女雖同居而所歸各異是其志不同行 睽序卦家道窮必乖故受之以睽睽者乖也家道窮 也亦爲睽義 於身也孟子所謂身不行道不行於妻子也 先行於已則人怨而不服故云威如而吉者能自反 上離下允離火炎上允澤潤下二體相違睽之義

Do Jana Li Lin **彖曰昳人動而上澤動而下二女同居其志不同行 煐小事吉** 暌者暌乖離散之時非吉道也以卦才之善雖處暌 女之少也同處長則各適其歸其志異也言暌者本 故為暌義中少二女雖同居其志不同行亦為暌義 **象先釋暌義次言卦才終言合獎之道而對其時用** 時而小事吉也 之大火之性動而上澤之性動而下二物之性達異 伊川易傳 Ŧ

動河 説 吉也五以明而應剛不能致大吉 居尊位有説順麗明之善又得中道而應 卦 則 而魔乎明柔進而上行得中而應乎剛是 同也本不同則非暌 四月分書 説順 才如此所以小事吉也允說也離魔也又為明 日柔進而上行晉鼎是也方睽乖之時六五以 下之睽成天下之大事亦可以小 而附麗於明凡離在上而象欲見柔居尊 b 何 也曰五陰柔 濟是於小 剛雖 不 事 事 能 雖 汝

シーンロー シュー 間 事類也暌之時用大矣哉 天地暌而其事同也男女暌而其志通也萬物暌而其 同之為同者世俗之知也聖人則明物理之本同所 推 正至誠協力而後能合也 卷五噬膚則无咎也天下睽散之時必君臣剛陽中 應二而暌之時相與之道未能深固故二必遇主于 能同天下而和合萬類也以天地男女萬物明之 物理之同以明睽之時用乃聖人合睽之道也見 伊川易傳 프

多穴四戽全書 **象曰上人下澤啖君子以同而異** 萬殊哭也然而得天地之和禀陰陽之氣則相類也 而聖人為能同之處睽之時合睽之用其事至大故 事則同也男女異質睽也而相求之志則通也生物 云大矣哉 天高地下其體睽也然陽降除升相合而成化育之 人下澤二物之性達異所以為账離之象君子觀 雞異而理本同故天下之大羣生之衆睽散萬殊

S. JOHN MAN POLICE 初九悔亡丧馬勿逐自復見惡人无各 同者亂常哪理之人也不能獨異者隨俗習非之 獨異蓋於東桑則同矣於世俗之失則異也不能大 也要在同而能異耳中庸曰和而不流是也 世在人理之常莫不大同於世俗所同者則有時而 **啖異之象於大同之中而知所當異也夫聖賢之處** 知所以得亡者九四在上亦以則陽睽離无與自 居卦初暌之始也在暌乖之時以剛動於下有悔 伊川易傳 ŧ

也 與 之合則能行矣是勿逐而馬復得也惡人與已乖 本 四雞 乖異者至衆若棄絕之不幾盡天下以仇君子乎 也見者與相通也當睽之時雖同德者相 行者也既獨无與則不能行是丧其馬也四既與 在喉諸文皆有應夫合則有既本異則何睽唯 非 同類相合同是陽爻同居下又當相應之位二陽 相 愿者以在晚故合也上下相與故能亡其悔 非應而同德相與故相遇馬者所以行也陽 巷三 與默小

鱼穴四周左言

SUDDE LIVE 九二遇主于卷无谷 象曰見惡人以辟咎也 能化姦凶為善良草仇敵為臣民者由弗絕也 **必見之所以免避怨各也无怨各則有可合之道** 以惡人而拒絕之則將衆仇於君子而禍咎至矣故 而使之合乎故必見惡人則无咎也古之聖王所以 離之時人情乖違求和合之且病其不能得也若 此則失合弘之義致凶谷之道也又安能化不善 伊川易傳 Ŧ

鱼页四月全書 居 矣故二五雖正應當委曲以相求也二以剛中之德 居睽離之時其交非固二當委曲求於相遇親其得 各大矣卷者委曲之途也遇者會逢之謂也當委曲 合也故曰遇主于卷必能合而後无咎君臣啖離其 之道衰而剛柔相戾之意勝學易者識此則知愛通 與五正應為相與者也然在曖乖之時陰陽相應 下上應六五之君道合則志行成濟睽之功矣而 求期於會遇與之合也所謂委曲者以善道宛轉 **卷**1

たこの年から 六三見與曳其牛掣其人天且剿无初有終 象曰遇主於卷未失道也 卷未失道也未非必也非必謂失道也 當账之時君心未合賢臣在下竭力盡誠期使之信 枉道迎逢也卷非邪僻曲徑也故夫子特云遇主于 將就使合而已非枉已屈道也 其知杜厳惑以誠其意如是宛轉以求其合也遇非 合而已至誠以感動之盡力以扶持之明義理以致 伊川易傳

者牵曳之而已當前者進者之所力犯也故重傷於 應在上欲進與上合志而四阻於前二牽於後車牛 從正應而四隔止之三雖除柔處剛而志行故力進 所以行之具也與曳牵於後也牛學阻於前也在後 陰柔於平時且不足以自立況當睽離之際乎三居 二剛之問處不得其所安其見侵陵可知矣三以正 為四所傷也其人天且劓天兒首也劓截鼻也三 犯之是以傷也天而又則言重傷也三不合於二

金灰口尼石量

象曰見與曳位不當也无初 N. 10. .. 1.1. 1 與四條之時自无合義適合居剛守正之道也其於 正應則緊極有終合之理始為二陽所尼是无初也 後必得合是有終也掣從制從手執止之義也 有如是點尼由位不當也无初有終者終必與上九 合以正道自无終睽之理故賢者順理而安行智者 以六居三非正也非正則不安又在二陽之間所以 遇而合乃遇剛也不正而合未有久而不離者也 尹川易牌 有終遇剛也

九四睽孤遇元夫交子属无谷 多次四母全書 當 也故目之為元夫猶云善士也四則過中為暌已甚不 孤處者也以剛陽之德當睽離之時孤立无與公以 舣 知戏而固守 初之善也四與初皆以陽處一卦之下居相應之 睽之初遂能與同德而亡睽之悔處睽之至善者 四當睽時居非所安无應而在二陰之間是睽離 類相求而合是以遇元夫也夫陽稱元善也初九 **巻**1 於至四軍全書 象曰交 乎 无咎 志 行也 雖處危厲而无咎也當睽離之時孤居二陰之問處 陽以至誠相合則何時之不能行何危之不能濟故 同德相遇必须至誠相與交孚各有孚誠也上下 初四皆陽剛君子當睽垂之時上下以至誠相交協 不當位危且有咎也以遇元夫而交字故得无咎 位當暌乖之時各无應獨自然同德相親故會遇心 伊川易傳 **本**ハ

六五悔亡厥宗噬庸往何咎 宗其黨也謂九二正應也噬膚噬菌其肌膚而深 有九二剛陽之賢與之為應以輔翼之故得悔亡厥 各夫子又從而明之云可以 六以除柔當睽離之時而居尊位有悔可知然而 君子则能行其志矣 君子陽剛之才而至誠相輔 同刘則其志可以行不止无咎而已 こと 行其志救時之睽也盖 何所不能潛也唯 卦辭但言无 有

and of more frequence in 象曰厥宗噬庸往有慶也 義言人君雖已才不及若能信任賢輔使以其道深 所以入之者深也 昏弱而有中與之勢蓋由任賢聖之輔而姬公孔明 才二輔以陽剛之道而深入之則可往而有慶復 爻辭但言厥宗噬膚則可以往而无咎象復推明其 各之有以周成之幼群而與威王之治以別禪之 也當暌之時非入之者深豈能合也五雖陰柔之 伊川易傳

冠婚媾 金少口居石雪 上九暌孤見豕員塗載鬼一車先張之弧後說之弧匪 孤而其才性如 上居卦之終睽之極也陽剛居上剛之極也在離 詳 用明之極也睽 倩安生乖 於已則可以有為是往而有福度也 往遇雨 明極則過察而多疑上九有六三之正應實不 離 則吉 此自睽孤也如人雖有親黨而多自 雖處骨內親黨之間而常孤獨也上 極則哪庆而難合剛極則躁暴而

KITCHET MAIN ! 始疑而終必合也先張之弧始疑惡而欲射之也疑 所處者正理大凡失道既極則必反正理故上於三 載之一車 言其以无為有妄之極也物理極而必及 以近明之如人適東東極矣動則西也如升高高極矣 則猜成其罪惡如見載思満一車也思本無形而見 之與三雖為正應然居睽極无所不疑其見三如豕 污穢而又背員泥塗見其可惡之甚也既惡之甚 則下也既極則動而必反也上之睽乖既極三之 伊川易傳 **卒** 

金好四周百書 象曰遇雨之吉奉疑亡也 陰陽合而益和則為雨故云往遇雨則吉往者自此 而 說孤而弗射縣極而及故與三非復為冠誓乃伯媾 雨 和暢 往也 者妄也妄安能常故終必復於正三實无惡故 者陰陽和也始睽而能終和故言也所以能和者 此匪冤婚磷之語與他卦 謂既合而益和則 則為雨上於三始疑而睽睽極 吉也 同而義則殊也陰陽 則 不疑而合

JUDIE MAIN 蹇利西南不利東北利見大人貞吉 為寒難為卦坎上艮下坎險也艮止也險在前而止 睽垂之時必有寒難蹇所以次睽也蹇險阻之義故 寒序卦暌者垂也垂光有難故受之以寒蹇者難 而合則皆亡矣 不能進也前有險陷後有峻阻故為寒也 以羣疑盡亡也其始睽也无所不疑故云羣疑睽極 尹川易傳 ボナー

難 德也知義命者不為也 靻 也若遇難而不能固其守入於邪濫雖使苟免亦惡 北 **險在蹇難之時利於順處平易之地不利止於危險** 也處順易則難可給止於險則難益甚矣蹇難之時 西南神方坤也體順而易東北艮方艮山也體止而入四月至書 者必在乎守貞正設使難不解不失正德是以吉 者必以大正之道而堅固其守故貞則吉也凡處 有聖賢之人則能濟天下之難故利見大人也濟

多次四母全書

卷(三)

見險而能止知矣哉 象曰蹇難也險在前也 蹇難也蹇之為難如乾之為健若易之為難則義有 得進故為蹇 艱難之義各不同也險在前也坎險在前下止而不 未足蹇有險阻之義屯亦難也困亦難也同為難而 **卦才言處蹇之道也上險而下止見險而能止也** 則異屯者始難而未得通困者力之窮寒乃險阻 尹川易專 至

多 蹇利西南往得中也不利東北其道窮也 为四周全書 蹇之時 利於處平易西南坤万為順易東北艮万為 為得也 由 險阻九上居五而得中正之位是往而得平易之地 時唯能止為善故諸交除五與二外皆以往為失來 犯 五往而成坎故但取往而 為利也五居坎險之中而謂之平易者盡卦本坤 險而進則有悔咎故美其能止為知也方寒難之 从 表1 得中不取成坎之義也

利見大人往有功也當位貞吉以正邦也 道窮也謂寒之極也 也大人當位則成濟蹇之功矣往而有功也能濟天 蹇難之時非聖賢不能濟天下之蹇故利於見大人 方寒而又止危險之地則蹇益甚矣故不利東北其 除居陽而處下亦除之正也以如此正道正其邦 下之蹇者唯大正之道夫子又取卦才而言蹇之諸 除初外餘皆當正位故為貞正而吉也初六雖以 尹川易車 **六十三** 

|彭穴四戽全書 象曰山上有水塞君子以反身修徳 蹇之時用大矣哉 量險而行從平易之道由至正之理乃蹇之時用也 處處之時濟處之道其用至大故云大矣哉天下之 為蹇也君子觀蹇難之象而以反身修德君子之遇 山之峻阻上復有水坎水為險陷之象上下險阻故 難豈易平也非聖賢不能其用可謂大矣順時而處 以濟於蹇矣 灰 **灰**1 三

久己日時 A 1000 初六往蹇來譽 反求諸已故遇親蹇必自省於身有失而致之乎是 六居寒之初往進則益入於寒往寒也當蹇之時以 其德也君子修德以俟時而已 反身也有所未善則改之无歉於心則加勉乃自修 往不進則為來止而不進是有見幾知時之美米則 除系元援而進其寒可知來者對往之解上進則為 艱阻必反求諸巴而益自修孟子曰行有不得者皆 六十四

伊川易傳

金少正屋白電 六二王臣蹇蹇匪躬之故 **象曰往蹇來譽宜待也** 已有碩義 出寒之義乎曰在蹇而往則蹇也蹇終則變矣故上 以待時可行而後行也諸文皆處往而善來然則无 有譽也 方寒之初進則益寒時之未可進也故宜見我而止 以中正之德居民體止於中正者也與五相應是

1. 10 mm / 1.1. 象曰王臣蹇蹇終无尤也 威稱以為勘矣 者非為身之故也雖使不勝志義可嘉故稱其忠盡 不為已也然其才不足以濟寒也小可濟則聖人當 其任所以寒於寒也志在齊君於寒難之中其寒寒 同德而五方在大寒之中致力於寒難之時其聚寒 至甚故為寒於寒也二雖中正以陰柔之才豈易勝 中正之人為中正之君所信任故謂之王臣雖上下 尹川易時

銀灰四月全書 象曰往蹇來反內喜之也 九三往蹇來反 歸也三為下二陰所喜故來為及其所也稍安之地也 而无位不足以為援故上往則蹇也來下來也反逐 雖親尼於蹇時然其志在濟君難雖未成功然終无 必依於三是為下所附者也三與上為正應上食柔 過尤也聖人取其志義而謂其无尤所以勸忠盡也 九三以剛居正處下體之上當蹇之時在下者皆柔

六四往寒來連 歸也 寒而得下之心可以求安故以來為反猶春秋之言 内在下之陰也方蹇之時陰柔不能自立故皆附於 往 九三之陽而喜爱之九之處三在寒為得其所也處 免者其志不謀而同也又四居上位而與在下者同 17 m 1.1 m 則益入於坎險之深往處也居寒難之時同處數 得位之正又與三相比 戶川易奪 相親者也二與初同類 到

泉曰往寒來連當位買也 多穴四母全書 實也處蹇難非誠實何以濟當位不曰正而曰實卜 同患之時相交以實其合可知故來而連者當位以 而下之二三亦各得其實初以陰居下亦其實也當 衆矣又以陰居陰為得其買以誠質與下故能連合 與者也是與下同志眾所從附也故曰來連來則與 四當蹇之時居上位不往而來與下同志固足以得 在下之衆相連合也能與衆合得處蹇之道也 卷1 三,

3. 17. . . . . 九五大寒朋來 應是其朋助之來也方天下之蹇而得中正之臣相 輔其助豈小也得朋來而无吉何也曰未足以濟蹇 又在險中亦為大寒大寒之時而二在下以中正相 五居君位而在蹇難之中是天下之大蹇也當寒而 正之臣相輔之不能濟天下之蹇也二之中正固有 下之交主於誠實用各有其所也 以剛陽中正之君而方在大蹇之中非得剛陽中 四川引力車

舒灾四库全書 九居五六居二則功多 不足也否之類是心蓋臣賢 是也雖賢明之君的无其臣則不能濟於難也故凡 六居五九居二者则多由助而有功蒙泰之類是也 則 得伊吕是也中常之君得剛明之臣而能濟大難者 助矣欲以陰柔之助濟天下之難非所能也自古聖 王濟天下之蹇未有不由賢聖之臣為之助者湯 君則輔君以君所不能臣不及君則贊助之而已 有矣劉禪之孔明唐肅宗之郭子儀德宗之字是 2 **卷**(三) 八

火三日日かん 上六往蹇來碩吉利見大人 象曰大蹇朋來以中節也 尊之徒是也 朋者其朋類也五有中正之德而二亦中正雖大寒 也上下中正而弗濟者臣之才不足也自古守節 之時不失其守寒於蹇以相應助是以其中正之節 **義而才不足以濟者 豈少乎漢李固王允晉周顗王** 不能成大功也 伊川易傳 六十八

まけい 蹙碩大也霓裕之稱來則寬大其蹇紓矣蹇之極有 正而居君位大人也在五不言其濟寒之功而上六 能有濟於寒也大人謂五以相比發此義五剛陽中 出寒之道上六以陰柔故不得出得剛陽之助可以 六以除柔居寒之極胃極險而往所以寒也不往而 豈能出乎寒也利見大人寒極之時見大德之人則 **紓寒而已在寒極之時得紛則為吉矣非剛陽中正** 來從五求三得刚陽之助是以碩也蹇之道戹蹇窮 白洲 ひこしゃ カニー 河 象曰往蹇來碩志在內也利見大人以從貴也 言吉者諸交皆得正各有所善然皆未能出於寒故 志正而於六二則目之為冠也諸爻皆不言吉上獨 上六應三而從五志在內也寒既極而有助是以碩 未足為吉唯上處寒極而得寬裕乃為吉也 則能濟於寒故為利也各爻取義不同如屯初九之 之助故无能濟寒之義在上六寒極而見大德之人 利見之何也曰在五不言以其居坎險之中无剛陽 尹川易涛

患難解散之象又震為雷坎為雨雷雨之作蓋陰陽 終難之理難 解序卦寒者難也物不可以終難故受之以解物无 然其志從附以求自齊故利見大人謂從九五之貫 而吉也六以陰柔當寒之極密近剛陽中正之君自與四月全書一四 震上坎下震動也坎險也動於險外出乎險也故為 震坎 上下 所以云從貴恐人不知大人為指五也 極則必散解者散也所以次寒也為卦

銀定

解 宽易也无所往其来復言有攸往風吉无所往謂 除無之虐而以寬治武王誅紂之暴而反商政皆從 利西南无所往其來復吉有攸往夙吉 乃其宜也如是則人心懷而安之故利於西南也湯 西南坤方坤之體廣大平易當天下之難方解 交感和暢而緩散故為解解者天下患難解散之時 艱苦不可復以煩苛嚴急治之當濟以寬大簡易 尹川田の中 始

好定四庫全書 自漢以下亂既除則不復有為姑隨時維持而已故 定亂其始未暇遽為也既安定則為可久可繼之治 謂及正理也天下之吉也其發語解自古聖王救難 治道正紀網明法度進復先代明王之治是來復也 事也夫天下國家北紀網法度廢亂而後禍患生聖 下之難已解散无所為也有攸往謂尚有所當解之 既解其難而安平無事矣是无所往也則當修復 能成善治盖不知來復之義也有攸往風吉謂尚

**彖曰解險以動動而免乎險解** ている こ 解利西南往得象也 吉也 有當解之事則早為之乃吉也當解而未盡者不早 去则将復盛事之復生者不早為則將漸大故夙則 **坎險震動險以動也不險則非難不動則不能出難** 動而出於險外是免乎險難也故為解 解難之道利在廣大平易以寬易而往濟解則行衆 J. 1 ... | | | | | | | 尹川馬寺 キナ

鐵穴四库全書 有攸往夙吉往有功也 其來復吉乃得中也 道調合宜也 道也必待解難无所往然後来復先王之治乃得中 不云无所往省文爾故亂除難一時之事未能成治 心之歸也 矣 有所為則風吉也早則往而有功緩則惡滋而害深 **巻**1 三1

次是可题 A.A.5 **象曰雷雨作解君子以放過宥罪** 大矣哉 天地解而雷雨作雷雨作而百果草木皆甲拆解之時 木乃順解之時與天地合德也 王者法天道行寬宥施恩惠養育兆民至於昆蟲草 生發甲拆天地之功由解而成故對解之時大矣哉 之氣開散交感而和暢則成雷雨雷雨作而萬物皆 既明處解之道復言天地之解以見解時之大天地 伊川易傳

初九无咎 象體其發育則施思仁體其解散則行寬釋也 安寧无事唯自處得宜則為无咎矣方解之初宜安 作雜語不同放釋之宥寬之過失則赦之可也罪惡 能剛之義 既无患難而自處得剛柔之宜患難既 而放之則非義也故寬之而已君子觀雷雨作解之 天地解散而成雷雨故雷雨作而為解也與明雨而 六居解初患難既解之時以柔居剛以陰應陽柔而 解

一多分四月 全書

九二田獲三狐得黄矢員吉 くうう 泉曰剛柔之際義无谷也 以懼之剛足以斷之故小人不敢用其情然尤常存 初四相應是剛柔相際接也剛柔相際為得其宜難 静以休息之文之解寡所以示意 天下小人常泉剛明之君在上則明足以照之威尺 九二以陽剛得中之才上應六五之君用於時者也 既解而處之刚桑得宜其義无谷也 りょり 2

直也孝称不去君心一入則中直之道无由行矣桓 中直之道乃貞正而吉也黄中色矢直物黄矢謂中 去害之事孤者邪媚之獸三狐指卦之三陰時之小 警戒應其有間而害正也六五以陰柔居尊位其明 須能去小人則可以正君心而行其剛中之道田者 其心矣况難方解而治之初其變尚易二既當用必 易敬其威易犯其斷不果而易感小人一近之則移 一般調能變化除去之如田之獲狐也獲之則得 

一 好近库全書

とうし たきす 六三員且來致冠至貞各 **象曰九二貞吉得中道也** 正亦可鄙吝也小人而竊威位雖勉為正事而氣質 荷而且乘車非其據也必致冠奪之至雖使所為得 敬之不去武三思是也 六三陰柔居下之上處非其位猶小人宜在下以負 得行乃正而吉也 所謂貞吉者得其中道也除去邪惡使其中直之道 伊川易傳 华四

多父口属台書 象曰負且來亦可配也自我致我又能答也 當致冠奪也難解之時而小人竊位復致短矣 解明其致冠之道謂作易者其知盗乎盗者乗釁而 其器則勉我之致乃已招取將誰咎乎里人又於繫 卑下本非在上之物終可各也者能正大則如何曰 負荷之人而且乗載為可醜惡也處非其據您不稱 柔小人宜在下而反處下之上猶小人宜負而反乘 大正非陰柔所能也若能之則是化為君子矣三陰

墨而奪之小人而居君子之位非其所能堪也故滿 之器以小人而乗君子之器非其所能安也故盗東 者使暴之也小人而乗君子之器是抬盜使奪之也 是教部子盗使取之也女子而天治其容是教詢淫 代者聲其罪也盗横暴而至者也貨財而輕慢其藏 至苟无釁隙則盗安能犯負者小人之事乗者君子 皆自取之之謂也 假而陵慢其上侵暴其下盗則乘其過惡而伐之矣

数定匹庫全書 象曰解而拇未當位也 九四解而拇朋至斯孚 與初六之陰為應拇在下而做者謂初也居上位而 能得人之子也初六其應故調遠之為解 之朋来至而誠合矣不解去小人則已之誠未至安 親小人則賢人正士遠退矣斥去小人則君子之黨 進而誠相得也四能解去初六之陰柔則陽剛君子 九內以陽剛之才居上位承六五之君大臣也而下 川美伯 久己りをいたう **六五君子維有解吉有孚于小人** 子維有解則吉也小人去則君子進矣吉孰大馬有 子之交而小人客於其間是與君子之誠未至也 當位也解者本合而離之也必解拇而後朋子盖君 失正少矣故戒必解其拇然後能来君子以其處未 君子所親比者处君子也所解去者必小人也故君 四雖陽剛然居陰於正疑不足若復親比小人則其 六五居尊位為解之主人君之解也以君子通言之 伊川易博 七十六

**桑曰君子有解小人退也** 上六公用射隼于髙墉之上獲之无不利 不足治也 君子能有解也小人去則君子自進正道自行天下 君子之所解者謂退去小人也小人去則君子之道 子者世云見驗也可驗之於小人小人之**黨去**則是 上六尊髙之地而非君位故曰公但據解終而言也 行是以吉也

多少四人人言

害之怪强者也上居解極解道已至器已成也故能 所解故在墉上離乎內而未去也云高見防限之嚴 在內則是未解之時也若出鳩外則是无害矣復何 隼 鷙害之物象為害之小人 墉牆內外之限也害若 夫子於繫解復伸其義曰作者禽也弓矢者器也射 而未去者上解之極也解極之時而獨有未解者乃 之者人也君子藏器於身待時而動何不利之有動 射而獲之既獲之則天下之患 解已盡矣何所不利

No. John Little

伊川易傳

セキセ

動好四月分言 象曰公用射隼以解停也 古喜有為而无成功或顛覆者皆由是也 事苟无其器與不以時而動小則括塞大則喪敗自 在鳩上尚无其器與不待時而發則安能獲之所以 而不括是以出而有發語成器而動者也熟受物 如是而動故无枯結發而无不利矣枯結謂阻礙里 人於此發明藏器待時之義夫行一身至於天下之 解之之道器也事之當解與已解之之道至者時也 

■ 艮上下 くこう とんり 至解終而未解者悖亂之大者也射之所以解之也 也又下為兑說三文皆上應是説以奉上亦損下益 澤在山下其氣上通潤及草木百物是损下而益上 必有所失失則損也揭所以繼解也為卦艮上兑下 损序卦解者緩也緩必有所失故受之以損 縱緩則 解則天下平矣 山體髙澤體深下深則上益髙為損下益上之義又 尹川易傳

损有孚元吉无咎可貞利有攸往 自厚則損也譬諸壘土損於上以培厚其基本則上 自上九之變也三本剛而成柔上本柔而成剛亦揭 矣豈非損乎故損者損下益上之義益則反是 則為損在人上者施其澤以及下則益也取其下以 下益上之義損上而益於下則為益取下而益於上 下安周矣豈非益乎取於下以增上之髙則危墜至 上之義又下兑之成兑由六三之變也上艮之成艮

弘定四年全書

ていうし たい 号之用二簋可用享 損者損過而就中損浮末而就本實也聖人以寧儉 吉所損无過差可貞固常行而利有所往也人之所 乎則无吉而有咎非可貞之道不可行也 捐减损也凡损抑其遇以就義理皆損之道也損之 為禮之本故為損發明其義以享祀言之享祀之禮 損或過或不及或不常皆不合正理非有孚也非有 道必有字誠謂至誠順於理也損而順理則大善而 尹川易專 艺

一好定四庫全書 **号之用二簋可用享二簋之約可用享祭言在乎誠** 其文最繁然以誠敬為本多儀儀物所以將師其誠 於末者人欲也損之義損人欲以復天理而已 其流之遠則為害矣先王制其本者天理也後人流 罰窮兵騎武本於征討几人欲之遇者皆本於奉養 墙本於宫室酒池肉林本於飲食淫酷殘忍本於刑 而已誠為本也天下之害无不由末之勝也峻字雕 敬之心飾過其誠則為偽矣損飾所以存誠也故云

とこうし ここう 昌之用二簋可用享二簋應有時損剛益柔有時 損而有乎元吉无咎可貞利有攸往 **彖曰損損下益上其道上行** 損之所以為損者以損於下而益於上也取下以益 b 謂損而以至誠則有此元吉以下四者損道之盡善 上則為損損基本以為髙者豈可謂之益乎 上故云其道上行夫損上而益下則為益損下而益 尹川易傳

**多好四月全書** 停非物采則无別文之與實相須而不可缺也及夫 本必有未有實必有文天下萬事无不然者无本不 夫子恐後人不達遂以為文飾當盡去故詳言之有 文之勝未之流遠本喪實乃當損之時也故云昌所 有承接之儀禮讓存乎內待威儀而後行尊單有其 立无文不行久子主恩必有嚴順之體君臣主敬必 浮飾日何所用哉二簋可以享也厚本損末之謂也 夫子特釋局之用二簋可用事卦解簡直謂當損去

くこうえ 損益盈虚與時偕行 用哉二簋足以薦其誠矣謂當務實而損師也夫子 非 或損或益或盈或虚唯隨時而已過者損之不足者 恐人之泥言也故復明之曰二簋之質用之當有時 足损益皆损刚益柔也必順時而行不當時而損益 之至於過甚則非也損 則非也 其所用而用之不可也謂文飾未過而損之與損 尹川乃東 剛益柔有時剛為過柔為不

一多好四月全書 象曰山下有澤損君子以懲忿室欲 初九己事過往 无咎酌損之 與欲故以懲戒其忿怒室塞其意欲也 子 益之虧者盈之實者虚之與時倘行也 損之義捐剛益柔 損下益上也 初以陽剛應於四四 以陰柔居上位賴初之益者也下之益上當損已而 觀損之象以損於已在修已之道所當損者唯念 下有澤氣通上潤與深下以增高皆損下之象君

九二 象曰已事遄往尚合志也 下之道為有各矣四之陰柔賴初者也故聽於初初 不自以為功所益於上者事既已則速去之不居其 尚上也時之所崇用為尚初之所尚者與上合志也 當酌度其宜而損已以益之過與不及皆不可也 功乃无咎也若享其成功之美非捐己益上也於為 四賴於初初益於四與上合志也 利貞在凶弗損益之 严川易喜

|好灾匹库全書 象曰九二 利貞 中以為志也 貞也弗損益之不自損其剛負則能益其上乃益之 而益上也世之愚者有雖无邪心而唯 為忠者盖不知弗损益之之義也 也若失其剛貞而用柔說適足以損之而己非損 正也征行也離乎中則失其貞正而凶矣守其中 之君以柔就應上則失其剛中之德故戒所利在員 以剛中當損剛之時居柔而說體上應六五陰柔 知竭力順上 乃

六三三人行則損一人一人行則得其友 陰三陽同行則損九三以益上三陰同行則損上六 損者損有餘也益者益不足也三人謂下三陽上三 上矣 中重於正中則正矣正不必中也能守中則有益於 所謂利負謂以中為志也志存乎中則自正矣大率 德何有不善豈有中而不正者豈有中而有 過者二 九居二非正也處說非剛也而得中為善若守其中 ... 1170年

與上應皆兩相與則其志專皆為得其友也三雖 卦皆成兩相與也 初二二陽四五二陰同德相比三 又於繫辭盡其義曰天地網組萬物化醇男女構精 生之本也三則餘而當損矣此損益之大義也夫子 四相比然異體而應上非同行者也三人則損一人 但言其减一斗上與三雖本相應由二支升降而一 以為三三人行則損一人也上以柔易剛而謂之損 人則得其友蓋天下无不二者一與二相對待生 典

一部分四庫全書

欠足司車 全里司 象日一人行三則疑也 豈可二也故三則當損言專致乎一也天地之間當 萬物化生易曰三人行則損一人一人行則得其友 萬物之化醇醇謂職厚職厚猶精一也男女精氣交 损益之明且大者莫過此也 言致一也 網 級交客之狀 天地之氣相交而密則生 構則化生萬物唯精醇專一所以能生也一陰一 人行而得一人乃得友也若三人行則疑所與矣 伊川易傳 **?** 陽

象曰损其疾亦可喜也 六四損其疾使過有喜无咎 損 自損以從剛陽也損不善以從善也初之益四損 柔而益之以剛捐其不善也故曰獨其疾疾謂疾病 不善也損於不善班使之過速則有喜而无咎人之 四以陰柔居上與初之剛陽 理當損去其一人損其餘也 過难患不速速則不至於深過為可喜也 1:11 相應在損時而應剛 其 能

ている ここ 六五或益之十朋之 龜弗 克違元吉 論必合正理雖遇莫不能違也如此可謂大善之吉 矣古人曰謀從眾則合天心 朋助之矣十 眾解題者决是非吉凶之物 聚人之公 陽是人君能虛中自損以順從在下之賢也能如是 天下孰不損已自盡以益之故或有益之之事則十 六五於損時以中順居尊位虚其中以應乎二之剛 損其所疾固可喜也云亦發語解 尹川見専

象曰六五元吉自上祐也 上九弗損益之无咎貞吉利有攸往得臣无家 言之四五二爻 取损已從人下體三爻取自损以益 物也行损道以损於人行其義也各因其時取大者 道以損於人也損已從人徒於義也自損益人及於 自上天降之福祐也 所以得元吉者以其能盡衆人之見合天地之理故 凡損之義有三損已從人也自損以益於人也行捐

多分四母全書

**包** 

く. ブル 内外也故曰得臣无家得臣謂得人心歸服无家謂 能 得其正且吉也如是則宜有所往往則有益矣在上 矣若不行其損變而以剛陽之道益於下則无各而 剛 取不行其損為義九居損之終損極而當變者也以 无有遠近内外之 限也 陽居上若用剛以損 損時之用行損道以損天下之當損者也上九則 不損其下而益之天下孰不服從服從之衆无有 伊川易専 削於下非為上之道其谷大 ハナベ

金方匹库全書 象曰弗損益之大得志也 相助益所以為益此以象言也異震二卦皆由下變 下雷風二物相益者也風烈則雷迅雷激則風怒雨 環損極处益理之自然益所以繼損也為卦異上震 益序卦損而不已必益故受之以益盛衰損益如循 居上不損下而反益之是君子大得行其志也君子 之志唯在益於人而已 與上 

**彖曰益損止益下民說无疆自上下下其道大光** 益利有攸往利涉大川 而成陽變而為陰者損也陰變而為陽者益也上卦 益者益於天下之道也故利有攸往益之道可以濟 則上安故益下為益 损而下卦益損上益下所以為益此以義言也下厚 以卦義與卦才言也卦之為益以其損上益下也 **險難利涉大川也** /: LI-Ī 尹川易專 損

面好四月全書 利涉大川木 道 乃行 利有攸往中正有爱 益之為道於平常無事之際其益猶小常艱危險難 自工下下之義 已以下下其道之大光顯也陽下居初陰上居四為 於上而益下則民說之无疆謂无窮極也自上而降 五以剛陽中正居尊位二復以中正應之是以中正 之道益天下天下受其福慶也 包三

**政定四東全事** 益動而異日進无疆 施地生其益无方 則所益至大故利涉大川也於齊艱險乃益道大行 不順於理豈能成大益也 其動異順於理則其益日進廣大无有疆限也動而 之解也益誤作木或以為上異下震故云木道非也 以天地之功言益道之大聖人體之以益天下也天 又以二體言卦才下動而上異動而異也為益之道 伊川易停

象曰風雷益君子以見善則遷有過則改 凡益之道與時偕行 益可謂无方矣方所也有方所則有限量无方謂廣 道 風 時 大无窮極也天地之益萬物豈有窮際乎 天地之益无窮者理而已矣聖人利益天下之道應 順 '資始地道生物天施地生化育萬物各正性命其 烈則雷迅雷激則風怒二物相益者也君子觀風 理與天地合 與時信行也

史定四車全書 7 初 改則无過矣益於人者无大於是 雷相益之象而求益於已為益之道无若見善則逐 有過則改也見善能遷則可以盡天下之善有過能 物雖居至下而上有六四之太臣應於已四異順 九利用為大作元吉无咎 也得在上者應從之則宜以其道輔於上作大益天 主上能與於君下能順於賢才也在下者不能有為 初九震動之主剛陽之盛也居益之時其才足以益 伊川易傳 \*\* Ż

象曰元吉无谷下不厚事也 必須所為大善而吉則无過各不能元吉則不难在 能致元吉則在上者任之為知人已當之為勝任不 善不足以稱也故处元吉然後得无咎 所任所以當大事必能濟大事而致元吉乃為无咎 在下者本不當處厚事厚事重大之事也以為在上 已有各乃累乎上為上之咎也在至下而當大任小 下之事利用為大作也居下而得上之用以行其志 V.17.21 1.11 六二或益之十朋之龜弗克違永貞吉王用享于帝吉 當也點者占吉山辨是非之物言其至是龜不能達 之事則眾朋助而益之十者聚辭衆人所是理之至 六二處中正而體柔順有虚中之象人處中正之道 虚其中以求益而能順從天下孰不顧告而益之孟 以善夫滿則不受虚則來物理自然也故或有可益 子曰夫苟好善則四海之內皆將輕千里而来告之 然則上下皆有咎也 尹月易專

多好四样全書 常永貞國則吉也王用享于帝吉如二之虚中而能 亦有剛陽之應而以柔居柔疑益之未固也故戒能 受剛為固守求益之至善故元吉也六二虚中求益 求益之道非永貞則安能守也損之六五十朋之則 之益者也然而質本陰柔故戒在常永貞固則吉也 承貞用以享上帝 猶當殺吉况與人接物其意有不 元吉者盖居尊自捐 應下之剛以柔而居剛柔為虚 也永貞吉就六二之才而言二中正虚中能得眾人 卷1三1

て・うし しょう 六三益之用山事 无各有字中行告公用主 象曰或益之自外來也 中矣 衆人自外来益之矣或 曰自外来豈非謂五乎曰如 通乎求益於人有不處乎祭天天子之事故云王用 二之中正虚中天下朝不願益之五為正應固在其 既中正虚中能受天下之善而固守則有有益之事 尹川易東

三多定四母全書 常之事則可量宜應卒奮不顧身力成其民故无咎 與之矣專為而无為上愛民之至誠固不可也雖有 也下專自任上必忌疾雖當山難以義在可為然必 在下當承禀於上安得自任擅為益乎唯於患難非 動之極居民上而剛決果於為益者也果於為益用 三居下體之上在民上者也乃守令也居陽應剛處 之凶事則无咎凶事謂患難非常之事三居下之上 有其乎誠而所為 合於中道 則誠意通於上而上信 L. 卷三 大三日田人 義或曰三乃陰柔何得反以剛果任事為義曰三質 也居動之極剛果於行也以此行益非剛果而何易 雖本陰然其居陽乃自處以剛也應剛乃志在乎剛 有為之道固當有乎中行又三陰文而不中故發此 是猶告公上用主王也其乎能通達於上矣在下而 所以通達誠信也有誠孚而得中道則能使上信之 云大夫執圭而使所以申信也凡祭祀朝聘用圭玉 誠意而所為不合中行亦不可也主者通信之物禮 伊川易牌

多好口居有書 象曰益用山事固有之也 六四中行告公從 之山吳極時之歐急則可也乃處急難變故之權宜 自任其事也居下當栗承於上乃專任其事唯救民 四當益時處近君 故得无咎岩平 六三益之獨可凡於凶事者以其固有之也謂專固 以所勝為義故不論其本質也 |之位居得其正以柔異輔上而下 用為依遷國 則不可也

象目告公從以益志也 ..... 陽之才以行其事利用如是也自古國邑民不安其 逮 則 中而所應又不中是不足於中也故云若行得中 居則遷遷國者順下而動也 非有剛将之操故 順應於初之剛陽如是可以益於上也唯處不得其 國順下而動也上依剛中之君而致其益下順 可以益於君上告於上而獲信從矣以柔異之體 利用為依遷國為依依附於上 尹川馬車 也 剛

九五有孚惠心勿問元吉有孚惠我德 誠也 益何所不利以陽實在中有學之象也以九五之徒 爻解但云得中行則告公而獲從象復明之曰告公 上必信而從之事君者不患上之不從患其志之不 而獲稅者告之以益天下之志也志苟在於益天下 之才之位而中心至誠在患益於物其至善大吉不 五剛陽中正居尊位又得六二之中正相應以行其 卷1三

多好四母全書

象曰有乎惠心勿問之矣惠我徳大得志也 君之志得矣 權苟至誠益於天下天下受其大福其元吉不假言 勿問之矣天下至誠懷吾徳以為惠是其道大行入 人君有至誠惠益天下之心其元吉不假言也故云 至誠爱戴以君之德澤為思惠也 也有乎惠我他人君至誠益於天下天下之人无不 問可知故云勿問元吉人君居得致之位操可致之 Link 伊川易傳

上九莫益之或擊之立心勿恒凶 義理求之極則侵奪而致仇怨故夫子曰放於利而 所同欲也專欲益已其害大矣欲之甚則昏敵而忘 益之甚者也所應者陰非取善自益者也利者眾人 擊之矣立心勿恒凶聖人戒人存心不可專利云勿 行多怨孟子謂先利則不奪不饜聖賢之深戒也九 以剛而求益之極衆人所共惡故无益之者而或攻 上居无位之地非行益於人者也以剛處益之極求

一多好四月全書

2 . 17 . at 1. 15 象曰莫益之偏辭也或擊之自外来也 其正理則與眾同利无侵於人人亦欲與之若切於 恒如是凶之道也所當速改也 之乎既求益於人至於甚極則人皆惡而欲攻之故 已之解也苟不偏已合於公道則人亦益之何為擊 故莫肯益之而有擊奪之者矣云莫益之者非其偏 好利敝於自私求自益以損於人則人亦與之力爭 理者天下之至公利者果人所同欲皆公其心不失 尹川男專

多好四母全書 動與求皆以其道乃完善也不然則取傷而凶矣 之者至矣易曰莫益之或擊之立心勿恒凶君子言 語則民不應也无灾而求則民不與也莫之與則傷 求君子脩此三者故全也危以動則民不與也懼以 擊之者自外來也人為善則千里之外應之六二中 日君子安其身而後動易其心而後語定其交而後 外違之上九求益之極擊之者自外而至是也繫辭 正虚已益之者自外而至是也尚為不善則千里之

9 見乾上下 27 x 10 2 11 11 長而將極一陰在上消而將盡眾陽上進决去一陰 **央序卦益而不已必决故受之以夬夬者决也益之** 子道長小人消衰將盡之之时也 所以為夹也夫者剛决之義眾陽進而决去一陰君 極必决而後止理无常益益而不已已乃决也夫所 乃上於至髙之處有潰决之象以文言之五陽在下 以次益也為卦兑上乾下以二體言之澤水之聚也 押りりま

成分 巴居 有意 央楊于王庭乎號有屬 道雖以此之甚盛决彼之甚衰者易而无備則有不 雖長盛而不敢忌戒備故至誠以命衆使知尚有危 王庭子信之在中誠意也號者命東之解君子之道 虞之悔是尚有危理必有戒懼之心則无患也聖人 子道盛當顧行之於公朝使人明知善惡故云楊于 去之故含晦俟時漸圖消之之道今既小人東微君 小人方盛之時君子之道未勝安能顯然以正道決

告自邑不利即戎利有攸往 我兵者強武之事不利即我謂不宜尚壯武也即從 設戒之意深矣 也從戎尚武也利有攸往陽雖盛未極乎上陰雖殼 不可極其剛至於太過太過乃如蒙上九之為寇也 自己先自治也以果陽之盛决於一陰力固有除然 故聖人誅亂必先修已舜之敷文德是也邑私邑告 君子之治小人以其不善也必以已之善道勝革之

楊于王庭柔乗五剛也 **象曰夬决也剛决柔也健而說决而和** ,柔雖消矣然居五剛之上猶為東陵之泉陰而東陽 央為決義五陽决上之一陰也健而說决而和以二 之至善也兌說為和 體言卦才也下健而上說是健而能說决而能和決 宜進而往也不尚剛武而其道益進乃夫之善也 猶有未去是小人尚有存者君子之道有未至也故

弘定四年全書

文王司事(上十五 告自邑不利即戎所尚乃窮也 字號有厲其色乃光也 央之時所尚謂剛武也 當先自治不宜專尚剛武即我則所尚乃至窮極矣 而光大也 大庭使果知善惡也 非理之甚君子勢既足以去之當顯楊其罪於王朝 盡誠信以命其衆而知有危懼則君子之道乃无虞 伊川易傳

象曰澤上于天夫君子以施禄及下居德則忌 利有攸往剛長乃終也 禄澤以及於下也 觀其決潰之象則以居德則忌居 澤水之聚也而上于天至高之處故為夹象君子觀 他謂安處其德則約也忌防也 謂約立防禁有防禁 澤决於上而注溉於下之象則以施禄及下謂施其 道純一而无害之者矣乃剛長之終也 陽剛雖盛長猶未終尚有一陰更當决去則君子之

多分口見台書

とこうれいた 初 九肚于前趾往不勝為谷 其决為是社而不宜則决之過也故往而不勝則為 各也央之時而往往决也故以勝負言九居初而狂 于前進者也前趾謂進行人之决於行也行而宜則 九陽文而乾體剛健在上之物乃在下而居决時肚 澤上于天上于天則意不安而有決潰之勢云在天 則无潰散也王弼作明忌亦通不云澤在天上而云 上乃安辭也 尹川易奪 九九

多分四母全書 象曰不勝 而往谷也 九二惕號莫夜有戎勿恤 夹者 陽决陰君子决小人之時不可 忌戒備也陽長 將極之時而二處中居柔不為過剛能知戒備處夹 勝而且往其咎可知几行而有咎者皆决之過也 躁動自宜有不勝之咎不計彼也 人之行必度其事可為然後决之則无過矣理不能 於追躁於動者也故有不勝之戒陰雖將盡而已之

とこうらいた 象曰有我勿恤得中道也 可勿恤矣 决小人而得中豈有不正也知時識勢學易之大方 之至善也內懷兢惕而外嚴誠號雖莫夜有兵亦 居二雖得中然非正其為至善何也曰陽决陰君子 也既得中道又知惕懼且有戒備何事之足恤也九 莫夜有兵戎可懼之甚也然可勿恤者以自處之善 伊川易傳 ñ

多分匹母全書 九三壯于煩有凶君子夬夫獨行遇雨若濡有愠无咎 者也有凶之道也獨行遇雨三與上六為正應方星 雖在上而未為最上上有君而自任其剛决壮于煩 健之時三居下體之上又處健體之極剛果於決者 有凶獨行遇雨君子央央若濡有愠无咎央决尚剛 雨若濡有温君子央天无谷亦未安也當云肚于煩 文辭差錯定安胡公移其文曰壯于傾有凶獨行遇 煩賴骨也在上而未極於上者也三居下體之上

ī 陽共決一陰之時已若以私應之故不與東同而獨 其斷也雖其私與當遠絕之若見濡污有愠惡之色 陰陽和也君子道長决去小人之時而已獨與之和 行則與上六陰陽和合故云遇雨易中言雨者皆謂 濡字故誤以為連也 此義以為教耳文文所以交錯者由有遇雨字又有 如此則无過各也三健體而處正非必有是失也因 其非可知难君子處斯時則能夬夫謂夬其夬果決 ŧ 1104 5

| 赦定四庫全書 九四臀无膚其行次且牽羊悔亡聞言不信 象曰君子夬夬終无谷也 臀无膚居不安也行次且進不前也次且進難之狀 九四以陽居陰剛决不足欲止則衆陽並進於下勢 終不至於有咎也 牵格於私好由无决也君子義之與比决於當次故 不能強進故其行次且也牽羊悔亡羊者羣行之 得安猶齊傷而居不能安也欲行則居柔失其剛

2 . . To 2 1.1.1 象曰其行次且位不當也 聞言不信 聰不明也 九處陰位不當也以陽居柔失其剛次故不能 在央而居柔其害大矣 不能信用也夫過而能改聞善而能用克已以從義 可以亡其悔然既處柔必不能也雖使聞是言亦必 行次且剛然後能明處柔則選失其正性豈復 剛明者能之在它卦九居四其失未至如此之甚 牵者挽拽之義言若能自强而牵挽以從奪行則 尹川易專 5 強進 有

九五道陸夬夬中行无咎 卦獨一陰陽之所比也五為決陰之主而及比之其 各大矣故必决其决如見陸然則於其中行之德為 難乾感陰氣之多者也 而脱易打五岩如莧陸雖感 明也故聞言而不能信者盖其聰聽之不明也 无咎也中行中道也道陸今所謂馬齒筧是也曝之 於陰而決斷之易則於中行无過 咎矣不然則失其 五 雖 剛 陽中正居尊位然切近於上六上六說體而

金分四

月全書

基1 三1

上六无號終有凶 象曰中行无谷中未光也 中正之義可以无咎然於中道未得為光大也盖人 心一有所欲則離道矣夫子於此示人之意深矣 中正也感除多之物道陸為易斷故取為象 輝五心有所比以義之不可而决之雖行於外不失 未光也夫人心正意誠乃能極中正之道而充實光 卦解言夹夹則於中行為无谷矣象復盡其義云中 5

象曰无號之凶終不可長也 去聲調无用更加號令非也一卦中適有两去聲字 長也先儒以卦中有乎號惕號欲以无號為无號作 號 得時次去危極之小人也 其勢必須消盡故云无用 消亡豈復能長久乎雖號咷无以為也故云終不可 陽剛君子之道進而益盛小人之道既已窮極自 陽長將極陰消將盡獨一陰處窮極之地是眾君子 **咷畏懼終必有凶也** 悠

**象定匹庫** 

全書

巻三月り

Na. Jones Listin 道追必盡訴之乎使之變革乃小人之道亡也道亡 凶可乎曰夹者小人之 道消亡之時也决去小人之 天下雖大惡未當必絕之也今直使之无號謂必有 好序卦夬决也决必有遇故受之以好好遇也决判 也物之决判則有遇合本合則何遇站所以次夬也 乃其凶也 平聲字何害而讀易者率皆疑之或曰聖人之於 尹川易鄉 100

站女肚勿用取女 為卦乾上異下以二體言之風行天下天之下者萬 者欲其柔和順從以成家道好乃方進之陰漸壯而 長則陽消女肚則男弱故戒勿用取如是之女取女 物也風之行無不經觸乃遇之象又一陰始生於下 陰與陽遇也故為姤 敵陽者是以不可取也女漸壮則失男女之正家道 除始生自是而長漸以盛大是女之将長壮也陰

多方四周分書

卷三

**彖曰站遇也柔遇刚也** 勿用取女不可與長也 敗 而成家也此漸盛之陰將消勝於陽不可與之長久 也凡女子小人夷狄勢尚漸盛何可與久也故戒勿 陽相遇也 站之義遇也卦之為站以柔遇刚也一陰方生始與 矣始雖一陰甚微然有漸北之道所以戒也 陰既生漸長而盛陰盛則陽衰矣取女者欲長久 月川まり書 5

あたい 天地 剛 陰始生於下與陽相 则 遇中正天下大行也 章明也 用取如是之女 遇也君得刚中之臣臣遇中正之君君臣以剛陽 以卦才言也五與二皆以陽剛居中與正以中正相 萬物不生天地相遇則化育原類品物咸章萬物 相遇品物咸章也 碑 全書 卷1三1 遇天地相遇也陰陽不相交遇 遇

とこりき からり 象曰天下有風站后以施命語四方 好之時義大矣哉 風行天下无所不周為君后者觀其周徧之象以施 亨事物不相遇則功用不成好之時與義皆甚大也 其命令周語四方也風行地上與天下有風皆為周 赞站之時與好之義至大也天地不相遇則萬物不 生君臣不相遇則政治不與聖賢不相遇則道德不 中正其道可以大行於天下矣 伊川易傳 一百六

初六繁于金妮貞吉有攸往見凶贏豕子蹢躅 之通稱 享帝皆是也稱后者后王之所為也財成天地之道 者先王所以立法制建國作樂省方較法閉關育物 省之象也行於天下周編四方則為站施發命令之 象也諸象或稱先王或稱后或稱君子大人稱先王 編底物之象 而行於地上編 觸萬物則為觀經歷觀 施命語四方是也 君子則上下之通稱大人者王公 

金好四四百言

くこうえ 人重為之戒言陰雖甚做不可忽也豕陰躁之物故 陽消小人道長也制之當於其微而未盛之時犯止 好陰始生而將長之卦一陰生則長而漸盛 陰長則 以為况贏弱之承雖未能强猛然其中心在乎蹢躅 之進往則漸盛而害於陽是見凶也贏豕字騎蹋聖 止之固也固止使不得進則陽剛貞正之道吉也使 車之物金為之堅強之至也止之以金祀 而又繫之 蹈燭跳鄉也陰微而在下可謂羸矣然其中心常在 J. L.L. 尹川易轉 흔

多分四月全書 九二包有魚无咎不利賓 泉曰繋于金杞柔道牵也 牽者引而進也陰始生而漸進柔道方牵也察之于 金祀所以止其進也不使進則不能消正道乃負吉也 乎消陽也君子小人異道小人雖微 弱之時未嘗无 害君子之心防於微則无能為矣 好遇也二與初客比相遇者也在他卦則初正應於 四在始則以遇為重相遇之道主於專一二之剛中 

とこりな かきつ **象曰包有魚義不及賓也** 心矣所遇不得其誠心遇道之乖也包者直裹也魚 來者也不利賓包直之魚豈能及賓謂不可更及外 若能固畜之如包苴之有魚則於遇為无咎矣賓外 陰物之美者陽之於陰其所悦美故取魚象二於初 志所求也陰柔之質鮮克頁固二之於初難得其誠 遇固以誠然初之陰柔羣陽在上而又有所應者其 人也遇道當專一二則雜矣 伊川易傳

女父四個 白重 九三臀无膚其行次且属无大谷 處雖不安而其行則又次且也次且進難之狀謂不 去之而居好之時志求乎遇一陰在下是所欲也故 之魚義不及於賓客也 能遽舍也然三剛正而處具有不終迷之義若知其 二之遇初不可使有二於外當如包苴之有魚包苴 二所忌惡其居不安若臀之无膚也處既不安則當 二與初既相遇三說初而密比於二非所安也又為

九四包无魚起山 象曰其行次且行未牵也 包者所裹畜也魚所美也四與初為正應當相遇者 既知危而改之故未至於大谷也 遇周已有各矣知危而止則不至於大也 不正而懷危懼不敢妄動則可以无大各也非義求 其始志在求遇於初故其行遲遲未牽不促其行也 也而初已遇於二矣失其所遇猶包之无魚亡其所 产川易專 百九

象曰无魚之山遠民也 者將生之謂民心既離難將作矣 馬四以下睽故主民而言為上而下離必有凶變起 失道而下離者乎遇之道君臣民主夫婦朋友皆在 四而言義當有各不能保其下由失道也豈有上不 所以凶也曰初之從二以比近也豈四之罪乎曰在 有也四當站遇之時居上位而失其下下之離由己 之失徳也四之失者不中正也以不中正而失其民 起1

**多好四庫全書** 

九五以祀包瓜含草有陨白天 之離也 髙而水至下猶以私葉而包瓜能自降屈如此又其 側微之賢之象也九五尊居君位而下求賢才以至 可以包物者犯也美實之在下者瓜也美而居下者 夫上下之遇由相求也把髙木而葉大處高體大而 下之離由已致之遠民者已遠之也為上者有以使 九五下亦无應非有遇也然得遇之道故終必有遇

とれる きょう

伊川易傳

象曰九五含章中正也 求者也雖在已求賢若其德不正賢者不屑也故必 言必得之也自古人君至誠降屈以中正之道求天 釣皆由是道也 下之賢未有不遇者也高宗感於夢寐文王遇於漁 内龜中正之德充實章美人君如是則无有不遇所 所謂含章謂其含蘊中正之徳也德充實則成章而 含蓄章美內積至誠則有陨自天矣猶云自天而降

多分四月 全書

有 上九姤其角春无谷 有輝光 髙 至剛而在最上者角也九以剛居上故以角為象 陨自天志不舍命也 理所以有陨白天必得之矣 之相遇由降屈以相從和順以相接故能合也上九 命天理也含違也至誠中正屈已求賢存志合於天 · 亢而剛極人能與之以此求遇固可各也已則 日リョワ年 5 如

11 1 1 1 1 1 1 1 一多分匹庫全書 象曰姤其角上窮吝也 是人之遠之非他人之罪也由已致之故无所歸谷 下澤上於地水之聚也故為翠不言澤在地上而云 聚也物相會遇則成羣萃所以次始也為卦兒上却 而求遇不亦難乎 萃序卦站者遇也物相遇而后聚故受之以萃萃者 既處窮上剛亦極矣是上窮而致吝也以剛極居髙

萃亨王假有廟 志之道非一其至大莫過於宗廟故王者萃天下之 澤上于地言上于地則為方聚之義也 之不可度也而能致其来格天下举合人心總攝泉 可一其歸仰人心莫知其鄉也而能致其誠敬鬼神 王者萃聚天下之道至於有廟極也羣生至衆也而

KILD BL MANN

伊川易博

道至於有廟則華道之至也祭祀之報本於人心聖

制禮以成其德耳故粉猶能祭其性然也萃下有

金月口尼 人門 用大胜吉利有攸往 利見大人亨利貞 幸乃先言卦義彖解甚明 亨字美文也亨字自在下與與不同海則先言卦才 則人聚為首合財聚為停入安得亨丹故利自 聚則紊非大人治之則 萃所以致争 亂也萃以不正 萃者豐亨之時也其用宜稱故用大准吉事莫重於 天下之聚必得大人以治之人聚則亂物聚則争事

とこりも **彖曰萃聚也順以説剛中而應故聚也** 華之時故利有攸往大,几與工立事貴得可為之時 萃而後用是以動而有格天理然也 行故象云順天命也之不能有為者力之不足也當 豐美天下真之與而婚各生矣蓋隨時之宜順理而 莫不同其富樂矣若頤之厚而交物以薄乃不享其 然當華之時而交物四厚則是享豐富之吉也天下 祭故以祭享而言上交鬼神下接民物百用莫不皆 211 尹川易幹 164

王假有廟致孝享也 此故能聚也欲天下之萃才非如是不能也 萃之義聚也順以說以卦才言也上說而下順為上 孝享王者奉天下之道至於有廟則其極也 誠也祭祀人心之所自盡也故萃天下之心者无如 以說道使民而順於人心下說上之政令而順從於 王者萃人心之道至於建立宗廟所以致其孝享之 既上下順說又陽剛處中正之位而下有應助如

多分四月全書

No. Jones Aleson 觀其所聚而天地萬物之情可見矣 用大姓吉利有攸往順入命也 利見大人亨聚以正也 可以有為故利有攸往皆天理然也故云順天命也 豐聚之時交於物者當厚稱其宜也物聚而力瞻乃 用大姓承上有廟之之以享祀而言凡事莫不如是 聚以正道得其正則亨矣萃不以正其能亨乎 幸之時見大人則能計盖聚以正道也見大人則其 伊川易傳

虚分四月 台書 象曰澤上于地幸君子以除戎器戒不虞 有争物聚則有奪大率既聚則多故矣故觀萃象而 我也除謂簡治也去較惡也除而聚之所以我不虞也 戒備於不虞凡物之萃則有不虞度之事故眾聚則 而已故觀其所以聚則天地萬物之情可見矣 觀萃之理可以見天地萬物之情也天地之化育萬 澤上于地為萃聚之象君子觀萃象以除治戎器用 物之生成几有者皆聚也有无動静終始之理聚散

象曰乃亂乃萃其志亂也 初六有字不終乃亂乃幸若號一 守正不從號呼以求正應則一握笑之矣一握俗 應則无過咎不然則入小人之犀矣 不終也乃亂感亂其心也乃幸與其同類聚也初若 聚處柔无守正之節若捨正應而從其類乃有乎而 初與四為正應本有孚以相從者也然當萃時三陰 團也謂衆以為笑也若能勿恤而往從剛陽之正 尹川即曹 握為笑勿恤往无咎 154 語

六二引吉无谷字乃利用稐 各引者相牵也人之交相求則合相待則離二與五 戒二雖陰柔而得中正故雖戒而微解凡文之辭關 初陰柔又非中正恐不能終其字故因其才而為之 其心志為同類所感亂故乃華於犀陰也不能同其 得失二端者為法為戒亦各隨其才而設也引言无 守則為小人所感亂而失其正矣 為正應當萃者也而相遠又在羣陰之問必相牽引 色に 欠こりき からう 未誠也盖其中實者不假飾於外用稿之義也子信 則得其萃矣五居尊位有中正之徳二亦以中正之 過矣乎乃利用檎子信之在中誠之謂也檎祭之簡 道往與之萃乃君臣和合也其所共致豈可量也是 也以擒言者謂薦其誠而已上下相聚而尚飾馬是 学乃者謂有其乎則可不用文飾專以至誠交於上 薄者也非薄而祭不尚備物直以誠意交於神明也 以吉而无咎也无咎者善猜過也二與五不相引則 伊川易傳 一百夫

象曰引吉无咎中未變也 其間能自守不變遠須正應剛立者能之二陰柔之 辭若不足何也曰羣陰比處乃其類聚方萃之時居 而萃則吉而无咎以其有中正之德未處至改變也 雖正應然異處有間乃當萃而未合者也故能相引 變則不相引矣或曰二既有中正之德而象云未變 萃之時以得聚為吉故九四為得上下之萃二與五 者革之本也不獨君臣之聚几天下之聚在誠而已

多分四周全書

又こううい しょう 六三萃如嗟如无攸利往无咎小吝 非其正應又非其類是以不正為四所葉也與二則 意以存戒也 與无所利也惟往而從上六則得其革為无咎也三 如則為人棄絕而嗟如不獲萃而嗟恨也上下皆不 才以其有中正之德可覬其未至於變耳故象含其 三陰柔不中正之人也求萃於人而人莫與求四則 二自以中正應五是以不正為二所不與也故欲萃 尹川易専 一百七

九四大吉无咎 象曰往无咎工巽也 小各何也三始求萃於四與二不獲而後往從上六 故得其萃而无咎也易道變動无常在人職之然而 上居柔說之極三往而无咎者上六異順而受之也 人之動為如此雖得所求亦可小羞吝也 與上雖非陰陽正應然萃之時以類相從皆以柔居 體之上又皆无與居相應之地上復處就順之極

銀分匹

Z. Time Links 然得為大吉乎得為无各乎故九四必能大吉然後 道而得民者盖亦有馬如齊之陳恒魯之季氏是也 无咎也大為周遍之義无所不周然後為大无所不 正道而得者非理枉道而得君者自古多矣非理枉 正則為大吉大吉則无咎也夫上下之聚固有不由 體羣陰得下民之聚也得上下之聚可謂善矣然四 四當萃之時上比九五之君得君臣之聚也下比下 以陽居除非正也雖得上下之聚必得大吉然後為 甲川易傳

· 每好四年全書 九五萃有位无各匪乎无永貞悔亡 泉曰大吉无咎位不當也 為无咎也 正之道无過各也如是而有不信而未歸者則當自 修其徳以陽剛居尊位稱其位矣為有其位矣得中 九五居天下之尊萃天下之衆而君臨之當正其位 然後為无谷也非盡善安得為大吉乎 以其位之不當疑其所為未能盡善故云必得大吉

道也元首也長也為君德首出庶物君長羣生有尊 道皆在此三者王者既有其位又有其德中正无過 貞者君之徳民所歸也故比天下之道與華天下之 反以修其元永貞之徳則无思不服而悔亡 矣元永 永貞之道未至也在修徳以来之如苗民逆命帝乃 歸有先後既有未歸則當修徳也所謂徳元永貞之 誕敷文德舜德非不至也盖有遠近昏明之異故其 谷而天下尚有未信服歸附者盖其道未光大也元 豆克

一一好好 一年全書 象曰萃有位志未光也 上六裔咨涕洟无咎 大也 明光於四海无思不服矣乃无匪乎而其悔亡也所 大之義馬有主統之義馬而又恒永貞固則 通於神 象舉文工句王者之志必欲誠信者於天下有您必 通含生之類莫不懷歸 若尚有 匪子是其志之未光 謂悔志之未光心之未 順也

とこりき によ 泉曰齎咨沸洟未安上也 求萃而人莫之與其窮至於齊咨而涕淚也齊咨咨 也君子慎其所處非義不居不幸而有危困則泰然 嗟也人之绝之由已自取又 將誰咎為人惡 絕不知 六說之主陰柔小人說髙位而處之天下熟肯與也 小人所處常失其宜既貪而從欲不能自擇安地至 所為則隕獲而至嗟沸真小人之情狀也 於因窮則顛沛不知所為六之涕波盖不安於處上 尹川易季

為好口見台書 為卦坤上與下本在地下為地中生木木生地中長 自安不以累其心小人居不擇安常履非據及其窮 之積聚而益萬大聚而上也故為升所以次於萃也 **迎則順獲躁撓甚至沸淡為可羞也未者非遽之辭** 與既非其據豈能安乎 猶俗云未便也未便能安於上也陰而居上孤處无 升序卦萃者聚也聚而上者 調之升故受之以升物 異下 坤上

異而順剛中而應是以大亨 彖曰柔以時升 升元亨用見大人勿恤高 前進也 以二體言柔升調坤上行也異既體卑而就下坤乃 亨也用此道以見大人|不假憂恤前進則吉也南征 而益高為升之象也 升者進而上也升進則有亨義而以卦才之善故元 尹リヨカ東 征吉 1

用見大人勿恤有慶也 時是以元亨也象文誤作大亨解在大有卦 聖賢用與順剛中之道以見大人必遂其升勿恤不 凡升之道必由大人升於位則由王公升於道則由 道應於五五以中順之德應於二能異而順其升以 順時而上升以時也謂時當升也柔既上而成升則 下異而上順以異順之道升可謂時美二以剛中之 憂其不遂也遂其升則已之福慶而福慶及物也

一面好四庫全書

をこり重 象曰地中生木升君子以順 徳積小以高大 南 充實道德之崇高皆由積累而至積小所以成高大 萬物之進皆以順道也善不積不足以成名學業之 木生地中長而上升為升之象君子觀升之象以順 修其德精累微小以至高大也順則可進逆乃退也 其志是以吉也 南人之所向南征調前進也前進則遂其升而得行 征吉志行也 1.1 尹川易鄉 14.0

金月四月全書 初六允升大吉 升之義也 升乃大吉也二以德言則剛中以力言則當任初之 免者信從也初之柔異唯信 從於二信二而從之同 剛中之道也吉孰大馬 陰柔又无 應梭不能自升從於剛中 之賢以進是由 之至者也二以剛中之徳上應於君當升之任者也 初以柔居具體之下又異之主上承於九二之剛異 卷1

九二字乃利用編无咎 象曰允升大吉上合志也 可以久乎其可以有為乎五雖陰柔然居尊位二雖 事弱岩黽勉於事勢非誠服也上下之交不以誠其 而從陰雖有時而然非順道也以暗而臨明以 與在上者合志同升也上謂九二從二而升乃與二 同志也能信從剛中之 二陽剛而在下五陰器而居上夫以剛而事柔以陽 ţ 严川易車 |野所以大吉 1611411 剛 而

**好好四雄全書** 象日九二之子有喜也 質者也云字乃謂既子乃宜不用文飾專以其誠感 強之巨事柔弱之君未有不為 矯飾者也倫祭之簡 中則自不事外飾故曰利用稿謂尚誠敬也自古剛 剛陽事上者也當內存至誠不假文飾於外誠績於 君又當升之時非誠意相交其能免於咎乎 過於上也如是則得无谷以剛強之臣而事柔弱之 能以字誠事上則不唯為臣之道无咎而已可以

飲定四東全等 一 象曰升虚邑无所疑也 九三升虚邑 易又免強制之難是有可喜也 喜也如大畜童牛之告元吉象云有喜盖特於童則 是則有福慶及於物也言有喜者事既善而又有可 行剛中之道澤及天下是有喜也凡象言有慶者如 而升如入无人之邑孰禦哉 三以陽剛之才正而且異上皆順之復有提應以是 伊川易傳 百五

六四王用亨于岐山吉无咎 使之升進已則柔順誠恭不出其位至德如此周之 四柔順之才上順君之升下順下之進已則止其所 之才固自善矣復有无咎之解何也曰四之才雖善 山之下上順天子而欲致之有道下順天下之賢而 馬以陰居柔陰而在下止其所也背者文王之居岐 王業用是而亨也 四能如是則亨而吉且无咎矣四 入无人之邑其進无疑阻也

象曰王用亨子岐山順事也 德也以柔居坤順之至也文王之亨于岐山亦以順 亨也盡斯道者其难文王乎 四居近君之位而當升時得吉而无谷者以其有順 賢已則止其分馬分雖當止而德則當升也道則當 之位不得无事於升當上升其君之道下升天下之 則凶各可知故云如文王則吉而无各也然處大臣 而其位當戒也居近君之位在升之時不可復升升

火色引風 加

伊川易東

でで

六五貞吉升階 在下之賢皆用升之階也能用賢則原升矣 而升猶登進自階言有由而易也指言九二正應然 賢不終安能吉也階所由而升也任剛中之賢輔之 也 時而已上順於上下順乎下已順處其義故云順事 处守貞固乃得其吉也若不能 貞固則信賢不篤任 五以下有剛中之應故能居尊位而吉然質本陰柔 巷

**多好四月分書** 

上六具升利于不息之貞 象曰貞吉升階大得志也 當不息之事則為宜矣君子於負正之德終日乾乾 為不明甚矣然求升不已之心有時而用於貞正而 六以陰居升之極昏冥於升知進而不知止者也其 猶自階而升也 其志可大得也君道之升患无賢才之助爾有助則 倚任賢才而能貞固如是而升可以致天下之大治

伊川易傳

百天

每只口匠 台書 自强不息如上六不己之心用之於此則利也以小 伊川易傳卷三 人貪求无己之心移於進德則何善如之 展升在上 消不富也 '增益也升既極則有退而无進也 極上而不知已唯有消亡豈復有加益也